


საქართველოს  
საზოგადოებრივი  
მეცნიერებათა  
აკადემია

დეკემბერი  
1930 წ.  
№ 60

# საქართველო საზოგადოებრივი მეცნიერებათა აკადემიის გაზეთი

La Géorgie  
Indépendante  
Revue mensuelle  
DECEMBRE  
1930—№ 60

ს ა ქ ა რ თ ვ ე ლ ე ს პ ე ლ ი ტ ი კ ე უ რ ი პ ა რ ტ ი ე ბ ი ს ო რ გ ა ნ ე .



ბ ი ლ ი ა ნ ი შ ვ ი ლ ი

(1881—1930)

\*



ნ რ ე რ ა მ ი შ ვ ი ლ ი

ვლასა მგელადე, ტიპი ქართველი მუშისა, თავისებური განცდილის გამოძქვანებაში, გვეუბნება: ეს რა მოგვივიდა? ქართველები სი გ ლ ა ხ ე შ ი ც გ ა დ ა ვ ე ბ ი თ წ ა რ ს უ ლ ს! წ ა რ ს უ ლ ს, განვმარტავთ ჩვენ, როცა საგმირო საქმეთა გვერდით ბევრ მუხანათურსაცა ჰქონდა ადგილი,—და ამას თითქო ადასტურებს ნოე რამიშვილის ლაჩრულათ, ქურდულათ მოკვლა.

დიახ, ქართველმა ხელი აღიღო ქართველზე. იშვიათ მებრძოლზე, თავდადებულ პატრიოტზე, მტრის თვალში ყველაზე საშიშარ მოპირდაპირეზე, მის მიერ ნიშანში ამოღებულზე. განა მტერმა არ იგემა ჩვენი სახელოვან შინაგან საქმეთა მინისტრის ხელი? რამდენჯერ ჩაუფუშავს მას მისი ჯოჯოხეთური გემები? რა დღე დაუყენებია, რა დღეს უქადდა მომავალში!

მტერმა ქართველებში ეძია და მონახა მკვლელი. უნდოდა ამით მოეჩვენებია ქვეყნიერებისათვის—და პარისი ხომ მარჯვე ადგილია ამისათვის—ჩვენი დაძაბუნება, გაუტანლობა, ციხის შიგნიდან გატეხვა.

და განა მიაღწია მან ამ მზაკვრულ მიზანს? არა, ცხადია. ვეროპის მთელი პრესა, გარდა კომუნისტურისა, ერთსულოვნათ, სპონტანიურათ აღიარებდა, რომ პარისის მკვლელობაში ტეპეუს ხელი ერია, ის იყო მომწყობი, და ჭანუყვაძე მხოლოდ საზიხლარი ამსრულებელი მისი ბრძანებისა.

ქართველ ერს არა ერთი და ორი ჭანუყვაძე გაუჩნდა, ისინი იმ თავითვე ასრულებენ ვერაჲ მტრის ველურ ბრძანებებს. მრავალი მამულიშვილი გამოასალმეს წუთისოფელს, მაგრამ განა შეიძლება ითქვას, რომ ამით ერი დაძაბუნდა, გასტყდა? პირიქით! ის გამრთელდა, გაკაჲდა, იქცა უძლევი, შეუპოვარი.

დიდი საქმე დიდ მსხვერპლს მოითხოვს. ეს ცხოვრების კანონია. მტერმა იცის და მოყვარესაც ესალმუნება, რომ თვითელი მსხვერპლი, დიდია ის თუ პატარა, სამშობლოს საკურთხეველზე მიდის, მას ეწირება. არ არის სხვა საკურთხეველი, სხვა სალოცავი ქართველ ერისთვის, თვითელ მის ერთგულ შვილისთვის!

და ნოე რამიშვილი სწორეთ ამ დიად ეროვნულ ალტყინების გამოძქვანებაა, განსახიერება. დაუძახეთ მას რაც გნებავთ: სოციალისტი, რევოლუციონერი, პარტიის ბურჯი... ის იყო, პირველ ყოვლისა, ქართველი, სულით და გულით, აზრითა და ვნებით, მთელის თავის ხილული თუ უხილავი ნიშნებით. დიახ, მას ჰქონდა იდეალი, შორეული, სოციალისტური, მაგრამ ის, რისთვის იბრძოდა, რისთვის მოკვდა, იყო მახლობელი, ხვალინდელი იდეალი: სამშობლოს განთავისუფლება, ქართველ ერის ხელმწიფობა, უხენაესობა.

ქართველმა თეიმურაზმა სძლია სოციალდემოკრატი პეტრე!

ნოე რამიშვილს თავი ისე ვერ წარმოედგინა, თუ

არა მატარებელი სახელწიფო ხელისუფლებისა, უყვარდა იგი ვითა პირველ შეყვარებულს, მაგრამ ჯერ ხომ საჭირო იყო თვით ქვეყნის განთავისუფლება.

და ამ მიზნის მიღწევისათვის ნოე რამიშვილი მულამ პირველ რიგში იდგა, ბრძოლის რიგში, ვერ ითმენდა სხვის გასწრებას... მუდმივ მოძრავე, დაუზარებელს, გამრჯეს, მომქმედს—ნოე რამიშვილს ანკი ვინ გაუსწრებდა წინ! მისთვის არ არსებობდა დიდი და პატარა საქმე, ჩემი და შენი საქმე, ყველას თანაბარის ხალისით აკეთებდა, დღისით თუ ღამით, სახლში თუ გზაში.

ნოე რამიშვილს ჰქონდა თავისი ინტიმური ცხოვრებაც, ოჯახი, ნამდვილი ქართული ოჯახი, და, მიუხედავად სიღარიბისა, ის ბედნიერი მამა იყო.

ნოე რამიშვილი აწ უკვე ისტორიული პიროვნებაა. მის სახელს ვერვინ დააშორებს საქართველოს ბედს და უბედობას, მის აღმაფრენას, დაშვებას, ისევე აღმაფრენას და ამისთვის ბრძოლას.

ჩვენ ამ ბრძოლის მიწურულში ვდგევართ, საცაა დაგვირგვინდება. იგი, და ნოე რამიშვილის მოწამებრივი სახე შიდ ჩაეწნება ამ გვირგვინს.


ჩვენ ვინილეთ ეს სახე კუბოში, არ დაგვავიწყდება. ფერმისდილი, ოდნავ მომღიმარი, გაკვირვებული, თითქო გვეკითხება, რატომ? ვინ, ვინ გამიგმირა გული?!

შენ არ გაიკვირვებ. ბევრათ უარესის მნახველო ქართველო ერო! შენი სასოდან გამოვიდა ნოე რამიშვილი, შენთვის დალია სული. მაგრამ შენ ხომ უმრეტე წყარო ხარ, რამდენი გმირი გიშვია საუკუნეთა ქარტეხილში, რამდენს შობავ კიდევ!

ცრემლებს თვალში იგუბებ შენ, არ გინდა აჩვენო მტერს, ამის დრო არ არის. მაგრამ ჩქარა დადგება ეს დროც, უფლო გადავდებოთ, თავისუფალი, მკერდზე მიიკრავ უცხოეთში დაღუპულ შენს სახელოვან შვილებს, და მაშინ, მხოლოდ მაშინ გაუხსნი ღარს შენს ცრემლებს, გლოვის და სიხარულის ცრემლებს.

საქართველოს ეროვნულ მთავრობას გამოაკლდა მისი უაქტივესი წევრი. თავმჯდომარე ნოე ქორდანი აცხადებს, რომ მას მოსჭრეს მარჯვენა ხელი. მაგრამ ჩვიან დარწმუნებულნი ვართ, რომ ის მოიკრებს თავის ძაღდონეს და გაუძღვება კვლავინდებურათ მხნე და შეუდრეკელი ერთხელ დაწყებულ წმინდა საქმეს. ქართველი ერი მოელის მისგან, ამ ფრიად საპასუხისმგებლო წუთში, ქართულ მთლიან ფორტის მძლავრათ გაშლას და მტკიცე ხელით მესვეურობას.

ნოე რამიშვილის უნუგეშოთ დატოვებულ ოჯახის, მის ქვრივ-ობლების მიმართ ჩვენ დაგვრჩენია გადავცეთ სამშობლოს მარო რამიშვილის აღზნებულ სიტყვები, თავის დაუფიწყარ ქმარს საფლავში რომ ჩასძახა: ჩემო ნოე! გაძლევ ფიცს. ისე აღვზრდი ჩვენს შვილებს, რომ ღირსი ვახდენ შენი სახელის და შური იძიონ შენი მტერზე—საქართველოს მტერზე!



რ მ გ მ რ მ მ ს ღ ა ?

ნ რ ე რ ა მ ი შ ვ ი ლ ი

(ბიოგრაფიული ცნობები)

შაბათ (6 დეკემბერს) საღამოს სახლში წოვს წერილი დამხვდა, რომელშიც, პარტიულ კრების გამო, კვირას 14 საათზე და 15 წუთზე პარტი და ორღონანზე შეხვედრას მთხოვდა. «იქ შეხვედრეთ ერთმანეთს და იქიდან კრებაზე წავიდეთ»-ო, მწერდა.

სრულ 14 საათზე და 15 წუთზე მივედი კაფე «au Maréchal Jourdan»-ში, სადაც ნოე ახალ მოსული დამხვდა და პალტოს იძრობდა. დავსხვდით. კრების ზოგიერთ საკითხებზე ვიმუხაიფეთ. სამის ნახევარზე მეტროში ჩავჯექით და კრებაზე წავედით. გზაში განსვენებული სულ პარტიულ და ეროვნულ საქმეებზე მსჯელობდა. მომავალ საქმიანობას ითვალისწინებდა, საქართველოში მუშაობის გაცხადვებზე თავის აზრს მაცნობდა. ამ მუსაიფში ამოვედით Place d'italie-ზე და «გობლენის» ქუჩას დავყვეით. ნოე მარჯვნივ მომყობა. როდესაც გაუსწორდით მე- XIII უბნის თვითმართველობასთან მიწის სამუშევარისათვის აგებულ ჯებირებს—ნოე მეკითხება: «სანდრო, რას ფიქრობ საქართველოში მუშაობის შესახებ...» და უცებ ორჯერ გავარდა რევოლვერი. ქუჩა ხალხითაა გაჭედილი. ხალხი დაფრთხა და ჩვენს ირგვლივ ქუჩა დაცალიერდა... ვხედავ, ნახევარი მეტრის მანძილზე, რევოლვერის ტუსი შუბლში შემომყურებს... ვხედავ ჭანუყვაძეა. აღარ მიფიქრია, გავეჩანე და რაც ძალი და ღონე მქონდა თავი ვაძვრე ნიკაპზე. ამ დროს გავარდა მესამე და შუბლში დამიხნებული ტყვია თავის მარცხენა მხარეს გამეკრა. ვფიქრობ დაჭრილი ვარ, მაგრამ მკვლელი ხომ ჩემს ხელშია. ერთმანეთს დავეტაკეთ, ვცდილობ იარაღი ავართვა; ის კი ეძებს შესაფერის მდგომარეობას, რომ ტყვია მომიძღვას, მომკლას და გაიქცეს (ფეხზე ჩუსტები ეცვა, გასაქცევათ მომზადებული იყო). მარცხენა ხელით იარაღიან ხელს უჭერ, მარჯვენათი კი სახეში ურტყამ, მინდა დავასუსტო და განვიარალო. წოვს რა დამართა არ ვიცი, მე ის დაჭრილი მგონია და აი, ამ დროს, ამ ჭიდილში თვალი მოვკარი, რომ ჩემი ნოე ქვაფენილზე გაშხლართულიყო. ერთი წუთით თვალთ დამიბნელდა. ამით ლაჩარმა მკვლელმა ისარგებლა და მომიძღვრა რევოლვერის ტუჩის საფეთქელში მოღება, მაგრამ ჩემი დაბნევა წუთიერი იყო, ნახულის შთაბეჭდილებით. ხელი ავუქარ და მეორე და მესამეც ჩემს თავზე გავარდა. ესლა უკვე ცვმით მისუსტებული ჭანუყვაძე დიდ წინააღმდეგობას ველარ მიწევს; ერთი გაბრძოლებაც, და ის ჩაიკეცა. რევოლვერი ხელთ ჩამივარდა... სიკვდილს უკვე ხალხმა გადაარჩინა. ეს ყველაფერი 4-5 წუთში გათავდა. ამ ხნის განმავლობაში ვერავინ, გარეშეთაგანმა, ვერ მოხედა, მხოლოდ ჩემი ჭიდილი ამხ. მათე ბოლქვაძეს მორიანად დაენახა, რევოლვერი ემონღვებოდა და ჩემს საშველად გამოქცეულიყო, მაგრამ ჩემამდე ვერ მოაღწია, რადგანაც მაყურებელ ხალხს ეგონა—ეს ალბათ მკვლელის დამხმარე არისო, გზა გადაუჭრეს, აქანმა თავში ჯოხი დაჭრა და განაიარაღეს. ჭანუყვაძე პოლიციამ წაიყვანა. მხოლოდ კომისარიატში გავიგე, რომ ჩემი ძვირფასი ნოე იქვე გარდაცვლილიყო...

ს. მენდაღიშვილი.

ნოე რამიშვილი დაიბადა 1881 წ. ოზურგეთის მაზრაში. პირველ დაწყებითი სწავლა მიიღო სოფლის სკოლაში, სადაც მასწავლებლად იყო საქართველოში ცნობილი პედაგოგი და საზოგადო მოღვაწე ისიდორე რამიშვილი. შემდეგ მშობლებმა ნოე მიაბარეს ოზურგეთის სასულიერო სასწავლებელში, რომლის დასრულებისას მამა მისმა, ბესარიონმა, იგი მიაბარა ქუთაისის სასულიერო სემინარიაში.

1901 წელს ის შედის დორპატის უნივერსიტეტში იურიდიულ ფაკულტეტზე. მაგრამ სტუდენტთა მოძრაობაში მონაწილეობის გამო უნივერსიტეტის დამთავრება მას არ დასცალდა. ადმინისტრაციული წესით იურიდიულიდან იგი 1902 წლის დასაწყისში გადასახლეს საქართველოში.

პირველად ნოე ბათუმში ცხოვრობს და კერძო გაკვეთილებით თავს ირჩენს. იმავე დროს იგი ჩაება ფართული ჯგუფების მუშაობაში ბათუმის მუშებში. ამ დროს საქართველოში სოციალდემოკრატიის ხელმძღვანელობით მუშათა მოძრაობაა. ხელისუფლება ქალაქებიდან სოფლად მრავლად ასახლეს მოძრაობაში მონაწილეობისათვის მუშებს, რომლებმაც ქალაქად შექმნილი ბრძოლის მეთოდი — გაფიცვა სოფლად მემამულეთა წინააღმდეგ გამოიყენეს. მთავრობამ სასტიკ ზომებს მიმართა. როგორც მუშათა მოძრაობის ხელმძღვანელი, ისე ახლად დაწყებული გლეხთა მოძრაობის მონაწილენიც მრავლად დაატუსაღეს და ციმბირში გადასახლეს.

ასეთ დროს, 1902 წ. ზაფხულის მიწურულში, მოძრაობას სათავეში ჩაუდგა ნოე რამიშვილი და როგორც წევრი ბათუმის კომიტეტისა შეუდგა გურიის სოციალდემოკრატიული ორგანიზაციების მოწყობას.

1903 წელს იენისში მისი ინიციატივით მოწვეულ იქნა გურიაში მომუშავეთა ყრილობა. ამ ყრილობაზე საზოგადოთ ტერორის წინააღმდეგ უსასტიკესად გაილაშქრა მომხსენებელმა ნოე რამიშვილმა და ამ სისტემის ორგანიზაციებში უარისყოფა მოითხოვა. მისი აზრი ყრილობამ გაიზიარა. ყრილობამ იგი გურიის სოციალდემოკრატიულ კომიტეტის წევრად აირჩია.

პოლიციური პირობების გამო ნოე იძულებული შეიქნა ბათუმისათვის თავი მოერიდებია. იგი თფილისის გადასახლდა, იქ თფილისის კომიტეტის წევრად აირჩიეს მუშებმა.

1904 წლის შემოდგომაზე ნოე ქანდარმებმა თფილისში დაპატიმრეს და გადაგზავნეს ეტაპით ბათუმში. გზაში იგი მატარებლიდან გადახტა და ქანდარმებს გაექცა. ამ დღიდან მან არა ლეგალურათ იწყო ცხოვრება—ჯერ დონის-როსტოვში, სადაც მუშათა ორგანიზაციებში თვალსაჩინო წევრი იყო, შემდეგ 1905 წლის მარტში თფილისის ჰორიზონტზე გამოჩნდა და მიიღო სხვებთან ერთად მონაწილეობა სოცდემ. ორგანიზაციებში ბოლშევიკების წინააღმდეგ ბრძოლაში.

საქართველოს ს.-დ. ორგანიზაციებში ბოლშევიკ.

მიმდინარეობის დამარცხების შემდეგ (1905) ნოე იყო მენშევიკთა ორგანიზაციების ბიუროს წევრი. ნ. ყორდანიასთან ერთად ხელმძღვანელობდა 1905 წ. არაულეგალურ ყურ. «სოციალ-დემოკრატიას».

1905 წლის რევოლუციის იგი ერთი ხელმძღვანელთაგანია, რეაქციის ხანებში მუშათა ორგანიზაციებს მტკიცედ აკავშირებს, სოციალდემოკრატიულ განუთების ხელმძღვანელთაგანია და უბედულ პრობაგანდისტ-ორგანიზატორია. რეაქციის ხანაში არა ერთხელ და ორხელ დაპატიმრეს და ადმინისტრაციულათ გადაასახლეს, მაგრამ იგი ყოველთვის ახერხებდა უკან დაბრუნებას და მუშათა წრეებში დიდი იმედის და ენერჯის შეტანას. ნოე იყო ჩვენი პარტიის ყველა უმაღლეს დაწესებულებების არჩეული წევრი, თფილისის ქალაქის ხმოსანი, რუსეთის სოციალდემოკრატიული პარტიის ცენტრალური კომიტეტის წევრი. მსოფლიო ომის დროს ნოე იყო არა მარტოდ პარტიის ხელმძღვანელთაგანი, არამედ პარტიის განუთების რედაქტორი.

1908-9 წლებში ნოე გაემგზავრა უცხოეთში, სადაც სწავლობდა ლაიპციგის უნივერსიტეტში.

1917 წ. დიდი რევოლუციის დროს იგი არის თფილისის მუშათა და ჯარისკაცთა აღმასრულებელი კომიტეტის მუშათა-გლეხთა და ჯარისკაცთა ცენტრის წევრი პარტიის საოლქო კომიტეტის თავმჯდომარის ამხანაგი. იგი იყო არჩეული რუსეთის დამფუძნებელ კრების წევრად, შემდეგ ამიერკავკასიის სეიმის, ეროვნულ საბჭოს, პარლამენტის და დამფუძნებელი კრების წევრი, დამოუკიდებელ საქართველოს პირველი მთავრობის თავმჯდომარე, შემდეგ შინაგან საქმეთა მინისტრი.

საქართველოს ოკუპაციის, 1921, შემდეგ ნოე დამფუძნებელი კრების დადგენილებით, როგორც მთავრობის წევრი, საქართველოს მთავრობასთან ევროპაში გაიხიზნა. აქ აწარმოებდა იგი საქართველოს გასათავისუფლებელ მუშაობას.

1930 წელს 7-ს დეკემბერს, ნაშუადღევს სამ საათზე, პარიზში, იტალიის მოედანზე, როდესაც ნოე რამიშვილი ს. მენაღარიშვილთან ერთად კრებაზე მიდიოდა, ბოროტმა ხელმა რევოლუციის ტყვიით მისი სიცოცხლე შესწყვიტა.

მკვლელი ვინმე ჰუნაყვავია.

### ნოე რამიშვილის დაკრძალვა

შაბათს, 13 დეკემბერს, ბერძნების ეკლესიაში, სადა დასვენებული იყო ნოე რამიშვილის ცხედარი, გადახდილ იქნა პანაშვიდი ქართული საეკლესიო გალობით. დიდი ეკლესია გაჰყვლილი იყო დამსწრე ხალხით. განსვენებულის ხსოვნის პატივსაცემად თავი მოიყარა არა მარტო მთელმა ქართველობამ, არამედ მრავალ უცხოელებმა: ფრანგებმა, აზერბეიჯანელებმა, სომხებმა, მთიელებმა, რუსებმა და სხვ. სამძიმარს იღებდა ქ-ნი მარო რამიშვილი და მთავრობის თავმჯდომარე ნ. ყორდანი.

დაკრძალვა მოხდა კვირას, 14 დეკემბერს, Bag-

neux-ს სასაფლაოზე, რომელიც პარიზს სამხრეთით ეკვრის. დღის 1 საათზე წაასვენეს ნეშტი სასაფლაო-სკენ; სამგლოვიარო ავტომობილს ახლდენ მიცვალებულის ოჯახის წევრები, მთავრობის თავმჯდომარე და მისი წევრები, აგრეთვე ზოგიერთი უახლოესი ამხანაგები განსვენებულისა. სასაფლაოს კარებთან ნ. რამიშვილის ნეშტს შეხვდა დიდძალი ხალხი, შემდგარი ქართველებისგან და უცხოელებისგან. კარებთანვე შესდგა დიდი პროცესია, რომელმაც მიაცილა ნეშტი საფლავამდე. ცხედარს მიჰყვებოდა, ოჯახის წევრების შემდეგ, საქ. მთავრობის წევრები ნ. ყორდანიას მეთაურობით, დამფუძნებელ კრების თავმჯდომარის ამხანაგი, ექ. თაყაიშვილი, სხვადასხვა ეროვნებათა და ორგანიზაციათა დელეგაციები და სხვ. კუბო შემკული იყო აუარება გვირგვინებით სხვადასხვა ეროვნულ ორგანიზაციათა, დაწესებულებათა და პირთაგან. დაკრძალვას დაესწრენ, მრავალ მეგობარ და ნაცნობ ფრანგებს გარდა, საფრანგეთის მთავრობის ოფიციალური წარმომადგენელი, უცხო ელჩები და სხვ.

გათხრილ საფლავთან დასვენებულ ცხედრის წინაშე სიტყვები წარმოსთქვეს: საქ. მთავრობის თავმჯდომარემ ნოე ყორდანიამ; ექნევაში არსებულ საქართველოს დამხმარე საერთაშორისო საზოგადოების და საქართველოს დამხმარე ფრანგულ საზოგადოების სახელით—ამგლ შკვალიძემ; რუსეთის ს. დ. მ. პარტიის საზღვარგარეთელ დელეგაციის და პარიზის ორგანიზაციის სახელით—ი. ლადიჟენსკიმ; უკრაინულ ცენტრისაგან—პროფ. შულგინმა (ფრანგულათ); სომხეთის დელეგაციის სახელით—ა. ი. სატისიანმა; კავკასიის ცენტრის და აზერბეიჯანის სახელით—მ. რახულ ზადემ; მთიელთა სახალხო პარტიის სახელით—გ. ზახლხმა; თურქესტანის ეროვნულ გაერთიანების სახელით—მ. ჩოკაევიამ; საქ. ერ. დემ. პარ. სახელით—გ. გვაზავამ; ს. ფედერ. პ. სახელით—გ. ნავაშიძემ; პოლონეთში ქართველ კოლონიის სახელით—გ. იმნაძემ; ახალგაზ. მარქსისტთა ორგანიზაციის სახელით—გ. ინწვირველმა; საქართ. სოც. დემ. პარტიის სახელით—ვლ. შკელაძემ და კ. გვარჯალაძემ.

### ს ი ტ ყ ვ ე ბ ი

(ზოგიერთი სიტყვები იბეჭდება შემოკლებით)

ნ დ ე ქ ო რ დ ა ნ ი ა .

ქართველი ერის სახელით ვეთხოვები ამ ძვირფას ცხედარს და მას ვატან სამარადისოთ ამ ერის მადლობას, მადლობას იმ ღვაწლისათვის რაიცა მას მიუძღვის მის წინაშე და რომლის საკუთრთხვევლზე მან თავის თავი დასდო.

დღეს ჩვენთან ერთათ გლოვობს მთელი ქართველი ხალხი. ჩვენთან ერთათ განიცდის ამ დაკარგვის ტკივილებს და აღშფოთებას იმ ვერაგთა წინააღმდეგ რომლებმაც ეს საშინელი დანაშაული მოაწყო.

ქართველი ხალხი კარგად იცნობდა ნოე რამიშვილს, ის მას მუდამ, ოცდაათი წლის განმავლობაში, ხედავდა ბრძოლის მოწინავე პოზიციებზე, თავდადებულს, შეუპოვარ და უშიშარ შემტევს. იყო ის



სოციალდემოკრატიულ პარტიაში თუ ერის სამსახურში—ის ყოველთვის და ყოველგან ეჭირა უმაგრესი პოზიცია, იღვა ღრწით ხელში დასანახავ ადგილზე, მას ხედავდნენ ყოველ-მხრით, მტერნიც და მოყვარენიც. მას კარგათ იცნობდა საქართველო, მას თვითონ უგვიმა ნაყოფი მისი გამჭვრიახობის, მისი საქმიანობის, მისი მხნეობის და თავის დადების. ქვეყანას ის არ ავიწყდებოდა და ეს ათი წელია მას ნატრულობდა—ჩამოვა და ძველებურათ გვიმეთაურებდა.

ნოე ახლა ვეღარ ჩავა, ვეღარ უმეთაურებს თავის საყვარელ ქვეყანას, ვეღარ მიიღებს მონაწილეობას მტრის დაცემაში და ერის აღდგომაში. მაგრამ ჩავა მისი სული, მისი ვაბედულობა, მისი მხნეობა, მისი მორალური სახეობა, მისი ფრთები, მაღლა, იდეალის მწვერვალისაკენ აღმამფრენი. ტყვია ვერ მოკლავს იდეას; ნოე დაეცა, ერი თავის ალაგასაა, ბრძოლა გრძელდება. თვითეული მებრძოლი ამ ერთან არის გადაბმული, მასთან არის სულიერათ გაერთიანებული.

რა შემძლია უთხრა ამ ძვირფას ნეშტს სანუ-გეშოთ? არაფერი, სრულიად არაფერი გარდა ერთისა და ეს ერთი მას ყველანაშე მეტათ გაახარებს. მას კარგად ვიცნობ. მისი სული და გული ჩემთვის მუდამ ღია იყო და ეს ერთი ჩემი დაპირება მას ცივ სამარეშიაც კი გაახარებს: დროშა რომელიც მას ხელიდან გააგდებოდა ჩვენ მიერ აღებულია, გზა მის მიერ შეწყვეტილი ჩვენ მიერ გაგრძელებულია.

ბ. აბელ შკვალი

ქენვის «საქართველოს მეგობართა საერთაშორისო კომიტეტის» და პარიზის «საფრანგეთ-საქართველოს საზოგადოების» სახელით ვუცხადებ რამიშვილს მწუხარე პატივისცემას იმათგან, რომლებიც არ არიან ქართველები, მაგრამ რომელთაც უყვართ საქართველო. 1920-21 წლების ტრალიკულ პირობებში ეს ჯერ კიდევ ახალგაზდა, მშვიდი ადამიანი განასიხიერებდა თავის სამშობლოს, მან განასახიერა თავისი ქვეყანა თავის ტრალიკულ სიკვდილითაც. მე გავიცანი იგი ტფილისში. ის პასუხისმგებელი იყო საზოგადოებრივ წესიერებისათვის, რომელიც არ დარღვეულა მტრის შემოსვლამდე. ხოლო იგი მოკლეს 1930 წ., როგორც მისი სამშობლო 1921 წელს. მას ეზიზღებოდა ძალმომრეობა, ამისთვის სძულდათ. ის მსაჯულებს მიანდობდა ზრუნვას, რომ მათ მიეზღოთ ყველასათვის სამართლისამებრ. დეე, გვესმას მისი ხმა იმ ქვეყნიდან. იგი იყო ადამიანი, წინამძღოლი, დიდი გულის პატრონი. მისი ოჯახისკენ, რომელიც მას ესოდენ უყვარდა, მისი მეგობრების, თანამემამულეების, მისი ქვეყნისკენ არის მიმართული დღეს მთელი განათლებული კაცობრიობის თანაგრძნობა ჩუმი, აღელვებული და აღმფრთხილებელი და მუდამ ერთგული და ნდობით აღჭურვილი. ვაი, რომ უთვალავია წამებულთა რიცხვი საქართველოს ეროვნულ საქმისთვის!

მშვიდობით, რამიშვილო, თქვენ კვლავ იცოცხლებთ თქვენ განთავისუფლებულ სამშობლოსთან ერთად!

ო. ი. ლოდიყენსკი

ძვირფასო ამხანაგებო და მეგობრებო, მე მხვდა წილად საპატიო, მაგრამ სამწუხარო და მგლოვიარე მოვალეობა, აქ—ჩვენი ძველი თანამებრძოლის, ამხანაგის და მეგობრის ნოე რამიშვილის საფლავთან გამოცხადოთ საქართველოს ს. დ. პარტიას, განსვენებულის ოჯახს და ყველას თქვენ გულითადი თანაგრძნობა რუსეთის სოც. დემოკ. მუშათა პარტიის სახელით.

ჩვენი პარტიის საზღვარგარეთელ დელეგაციის, პარიზის ჯგუფის სახელით მიწა ვითხრათ, თუ როგორ დაგვადონა ამ ტრალიკულმა სიკვდალმა, როგორ მიძიმე ლოდად დაგვაწვა გულზე ეს მოულოდნლო დანაკლისი, როგორ მწარედ ვიგრძენით, რომ აღარაა უკვე ის, ვისთანაც ერთად მრავალი წლის განმავლობაში საერთო საქმისთვის ვიბრძოდით.

ეს ხანგრძლივი მიძიმე ბრძოლა თვითპრობელობასთან, ეს რევოლუციონური ბრძოლა გამარჯვებით დამთავრდა და რუსეთი განთავისუფლდა დიდი ხნის ბორკილებისაგან. ბედმა არგუნა ჩვენს თაობას უდიდესი გამარჯვება, უდიდესი ბედნიერება... ამ სახელოვან ბრძოლაში ჩვენი უდროვოთ დაღუპული ამხანაგი ნ. რამიშვილი იღებდა მეტად აქტიურ მონაწილეობას, იყო წევრი რუსეთის ს. დ. პარტიის ცენტრ.კომიტეტის და ასრულებდა ფრიად საპასუხისმგებლო საქმეებს. და როცა თებერვალში გამარჯვებულმა რევოლუციამ დაამხო თვითპრობელობა, რამიშვილმა როგორც ყველამ ჩვენ იგემა სიხარული და მეორე დღესვე შეუდგა მიძიმე და ძნელ მუშაობას ახალი სახელმწიფოებრივობის შესაქმნელად.

მოვიდა ოკტომბერი და რ.ს.დ. პარტიის და საქართველოს ს. დ. პარტიის გზები ერთმანეთს დაშორდნენ. ბოლშევიზმის სოციალური სტრუქტურის და ბუნების ანალიზი, ტაქტიკური შეფასება, ბრძოლის მეთოდები გვექონდა სხვადასხვა. ისტორიულმა პირობებმა გაგვითვისეს. ქართველმა სოც. დემოკრატებმა აირჩიეს გზა, რომელსაც უკარნახებდა მათი შეგნება და სინდისი, და რამიშვილიც ჩვეულებრივის გატაცებით გაყვა ამ გზას... აქ გათხრილ საფლავთან, ვერაგული ტყვიით განგმირული რევოლუციონერის საფლავთან, რომელმაც სიცოცხლე შესწირა ბრძოლას შრომის განთავისუფლებისათვის და რომელმაც იხილა თავის სამშობლოს თავისუფლების პირველი სხივები, ჩვენ უნდა ვსთქვათ, რომ ჩვენი დღევანდელი უთანხმოება გარდამავალია და ფიქტობით, რომ როცა ბოლშევიზმის ლიკვიდაცია მოხდება, ჩვენი გზები ერთმანეთს შეხვდებიან...

მ. ა. შულგინი

უკრაინის დემოკრატიული რესპუბლიკის მთავრობის სახელით, რომელიც საქართველოს მთავრობის მსგავსად, უცხოეთშია გადმოხვეწილი, უკრაინის მისიის და აგრეთვე უკრაინელ ემიგრაციის უმაღლეს საბჭოს სახელით მოგიძღვნით უღრმეს სამძიძარს. მწარე უბედურებას, რომელიც თავს დაატყდა ნოე

რამიშვილის ოჯახს, იზიარებს არა მარტო მისი ვერი, არამედ უკრაინის ხალხიც, რომელიც საქართველოსთან მხარდამხარ იბრძვის თავის დამოუკიდებლობისათვის. უკრაინა არასოდეს დაივიწყებს, რომ განსვენებული იყო ერთი ინიციატორთაგანი ჩვენი მეგობრული დაახლოებისა საქართველოსთან. განსვენებული დიდი პატრიოტი იყო, უსაზღვროთ ერთგული თავის ქვეყნის. სახელმწიფო პიროვნება იყო, ხოლო მასთანვე რევოლუციონერის სულის პატრონი. იყო მებრძოლი, იშვიათის უნარით დაჯილდოებული: ენერგიით, დაუღალავი ნებისყოფით. მტერს შეუძლია გაიხაროს—ალარა ერთი მისი უსაშიშრეს მოწინააღმდეგეთანი. ხოლო მტერი ნუ მიეცემა ილუზიებს: შეიძლება ადამიანის მოკვლა, თუნდაც დიდის, მაგრამ არა ერის. რამიშვილი მკვდარია, მაგრამ მისი ვერი ცოცხლობს და ფხიზლობს. იმარჯვებს იდეა, რომლისთვისაც მთელი სიცოცხლე იბრძოდა რამიშვილი. ქართველი ვერი იქნება თავისუფალი და დამოუკიდებელი. და ეს დამოუკიდებლობა შეიქნება საუკეთესო ძეგლი, რომელიც კი შეიძლება ავაგოთ ისეთი მამულიშვილის საფლავზე, როგორც იყო ნოე რამიშვილი.

ა. ნატოსთან

საქართველოს მთავრობის ბ-ნო თავმჯდომარე, ქალბატონო! სომხეთის რესპუბლიკის დელეგაციის სახელით გიცხადებთ უღრმეს თანაგრძობას და უდიდეს მწუხარებას დიდათ პატივცემულ ნოე რამიშვილის ტრადიკული სიკვდილის გამო. ნებას ვაძლევ ჩემს თავს ამ გრძობებს მივუმატო პირადი სამძიძარი ჩემი, იმ ადამიანისა, რომელსაც არა ერთხელ ჰქონია შემხვევა თანამშრომლობისა საქართველოს დაღუპულ დიდ ადამიანთან და სახელმწიფო მოღვაწესთან. ჩვენთვის განსვენებული იყო იშვიათი რევოლუციონერი და შესანიშნავი პოლიტიკური პიროვნება საქართველოსი. მის არსებაში გრძობდით ძალას, მის ძარღვებში დუღდა რევოლუციონერის მხურვალე სისხლი, რომელიც იტყებდა ხალხის მასას მსხვერპლის გასაღებად და მე თვალწინ მენატება მიტინგები, კრებები, პროცესიები, რამიშვილი რომ აცხრავლებდა თავის გატაცებით. როგორც პოლიტიკიკური მოღვაწე, როგორც აღფრთოვანებული პატრიოტი, იგი მუდამ ემსახურებოდა საქართველოს ინტერესებს, რომელსაც შესწირა მთელი სიცოცხლე. მას ყავდა ერთგული მეგობრები და მტრებიც, როგორც თავის თანამემამულეთა შორის აგრეთვე მეზობლებში: ასეთია ზვედრი დიდი ადამიანების. მხოლოდ საზოგადოებრივი საქმისთვის ცოცხლობდა და თუმცა იცოდა, რომ სიკვდილი მალულად დარაჯობდა, მაგრამ მაინც არ ეშინოდა. მე მინახავს იგი საკუთარ სახლში: იშვიათ მეოჯახეს მას ღრმად უყვარდა თავისი კერა, როგორც მამას, როგორც მეუღლეს. და დღეს, როცა იგი უკვე ალარაა, ვიცით, რომ მისი სსოვნა წარუხრციელი დარჩება მთელი კავკასიის და მშობელი საქართველოს მატთანში. ვუძღვნით უღრმეს პატივისცემას და მწუხარებით ვიხრით თავს მის საფლავის წინაშე!

მ. გ. რასულ - ნადე

მტრის ტყვიამ გული გაუგმირა დიდს ადამიანს, გამოჩენილ მოღვაწეს და თავისუფლებისათვის მებრძოლს. ალარაა რამიშვილი. ჩვენ გვესმის მთელი სიძლიერე და სიმძიმე მწუხარებისა, რომელიც თავს დაატყდათ ჩვენს მეზობელ ქართველებს. ეს საერო მწუხარებაა. მაგრამ გლოვა მარტო ქართველების არაა, ვგლოვობთ ჩვენც ადებრეიჯანელებიც. გლოვობენ კავკასიის ყველა მამულიშვილები. შესაზარამბავს, რომელმაც დაგვკოდა აქ ემიგრანტები, მწარედ გამოგნებუბიან იქ—არა მხოლოდ საქართველოში, არამედ მთელ კავკასიაში.

მტერს შეუძლია გაიხაროს—მისმა ტყვიამ დასცა რამიშვილი. ხოლო დაეცა სხეული რამიშვილის, სული მისი კი უვნებელია. ცოცხალია. არ შეუძლია არ იცოცხლოს. ვერავითარი ტყვია, ვერაგულად დარტყმული, ვერავითარი ძალადობა ვერ მოკლავს იდეას. იდეას, რომელიც შესატყვისია სოციალურისტორიულ სიმართლის. და სწორედ ასეთ იდეას ემსახურებოდა განსვენებული. იდეა ეროვნულ დამოუკიდებლობისა განუკვეთელი და აუცილებელი ნაწილია საქაცობრიო დემოკრატიულ მოძღვრებისა, რომელსაც მომავალი ეკუთვნის.

როგორც ნამდვილი მებრძოლი და რევოლუციონერი, რამიშვილი დაიღუპა პოსტზე, დროშით ხელში, რომელზედაც ნათლად ეწერა: დამოუკიდებელი საქართველო, ლოზუნგი, რომელიც იყო მებრძოლიდელისთვის მთელი სიცოცხლის მიზანი. მაგრამ მასში ქართველი რევოლუციონერის იდეალიზმი შედუღებული იყო სახელმწიფო მოღვაწის რეალიზმთან—მას ესმოდა, რომ მარტო საქართველოს საკუთარის ძალებით არ ძალუძს გაუმკლავდეს მტერს. ნათლად ჰქონდა შეგნებული კავკასიის ერების ინტერესთა ერთობა. საქართველოს განთავისუფლება მისთვის დაუშორებელი იყო მთელი კავკასიის განთავისუფლებასთან. ზედადა, თუ რამდენად მნიშვნელოვანია და სადღეისო დამოუკიდებელი კავკასიის კონფედერაციის იდეა. ანკარის უწევდა აგრეთვე ყველა დამონებულ ერების შეკავშირებას პირისპირ მტრისა, რომელიც ერთნაირად სჩაგრავს კავკასიას, უკრაინას, თურქესტანს და სხვა ეროვნულ სახელმწიფოებს...

ძვირფასო მეგობარო, შენ დაიღუპე სახელოვან პოსტზე. ვერაგმა ხელმა მოგწყვიტა საყვარელს საქმეს, რომელსაც ემსახურებოდი მთელი სიცოცხლე. ფიცსა ვდებთ, შენი ახლად გათხრილი სამარის წინაშე გაძლევთ სიტყვას, რომ მტკიცედ განვაგრძობთ ამ საერთო საქმეს, რომელსაც ერთად ვაწარმოებდით. არასოდეს ვუღალავტებ შენს ანდერძს.

მოქალაქენო, დიადი იდეალების გამარჯვებას სჭირია მსხვერპლები. დიდი მსხვერპლის ახალ საფლავთან დავდვით ფიცი, რომ შურს ვიძიებთ მისთვის! და საუკეთესო შურის ძიება იქნება განხორციელება მისი საყვარელი იდეალებისა. მისი უძვირფასესი ძეგლი იქნება—საქართველოს განთავისუფლება და მოწყობა კავკასიის კონფედერაციისა. მისი ნეშთის დაბრუნება განთავისუფლებულ სამ-



შობლობი—აი მოვალეობა ჩვენი, ცოცხლებისა!  
 რამიშვილმა განახორციელა თავის არსებაში მე-  
 ბრძოლი ხალხის ნებისყოფა და ენერჯია. იგი სახალ-  
 ხო მეტრძოლი იყო. დაიღუპა გმირი, მაგრამ არსე-  
 ბობს მისი მშობელი ხალხი, ხალხის ცოცხალი ნება,  
 რომელსაც განსვენებული ახორციელებდა. ამ ნების-  
 ყოფამ უნდა გაიმარჯვოს, იგი გაიმარჯვებს!

დასასრულ ნება მომეცი, ადერბეიჯანის ერო-  
 ვნული ცენტრის სახელით გამოვუცხადო ღრმა სამ-  
 ძიპარი საქართველოს მთავრობას და აგრეთვე ადერ-  
 ბეიჯანის ფედერალისტების დემოკრატიული პარ-  
 ტიის «მუსავატის» სახელით გადავსცე დიდი თანა-  
 გრძობა საქარ. სოც. დემ. პარტიას და გამოვსთქვა  
 ღრმა მწუხარება კავკასიის გაერთიანებულ ორგანი-  
 ზაციების დავალებით, რომლებშიაც რამიშვილი  
 იღებდა მეტად მხნე მონაწილეობას...

ძვირფასო მეზობლებო, თქვენი გლოვა ჩვენი  
 გლოვაა: თქვენთან ერთად დავეტირით დაუვიწყარ  
 რამიშვილს, თქვენთან ერთად ვიბრძობებთ იმ ჩვენი  
 საერთო მისწრაფების სრული გამარჯვებისთვის,  
 რომლის მსხვერპლი გახდა დიდი გმირი, ჩვენი თა-  
 ნამებრძოლი. იყოს საუკუნო მისი ხსენება!

გ. ხ ა ნ ო ნ ი.

ლარულად და ვერაგულად მოკლული ნოე რა-  
 მიშვილის საფლავის წინაშე, კავკასიის მთიელთა სა-  
 ხალხო პარტია ფიქრობს, რომ მას არ მართებს დღეს  
 ჩამოსთვალოს ის სამსახური, რომელიც გაუწია გან-  
 სვენებულმა არა მარტო საქართველოს, არამედ მთე-  
 ლი კავკასიის საქმეს. ამიერიდან რამიშვილის სახე-  
 ლი ისტორიას ეკუთვნის. იგი იყო ერთი იმათგანი,  
 რომელთაც კავკასიის სახელმწიფოებრივობის სიკე-  
 თეს და სიმტკიცეს შესწირეს ძველი ნაციონალიზმის  
 ინტერესები. მას სწადდა მთლიანი კავკასიის სახელ-  
 მწიფოს შექმნა, ამისთვის გადალახა ვიწრო ნაციონა-  
 ლური პოპულიარობა, ამ საქმისთვის არ იცოდა და-  
 ლილობა, არ აბრკოლებდა სხვათა წინამძღვრობა.  
 გრძნობის პატრონს, კავკასიელ ძმების უსახვგოთ  
 ერთგულს, მას ვერ წარმოედგინა კავკასია თუ არა  
 ერთად და განუყოფელად. მუდამ დაულალავი, არა-  
 ჩვეულებრივი ენერჯიის პატრონი, გამჭრიახი, დიდი  
 პოლიტიკური სტაჟით იგი თითქმის საწინდარი იყო  
 საქმის გამარჯვების და სული კავკასიელთა ერთო-  
 ბის, სიმბოლო ჩვენი თანხმობის, წინასწარმეტყველი  
 კავკასიის ახალი ერასი. მტრის ვერაგული ტყვიით  
 განგმირული ნ. რამიშვილი დაეცა, როგორც მრავა-  
 ლი დიდი ადამიანი და ხომ ყველამ უწყის, რომ ე-  
 ლიანია და მწარე და ხშირად ყველაზე უფრო ტრა-  
 დიკული გზა უფლებისა და თავისუფლებისათვის მე-  
 ბრძოლ გმირებისა. აღარა რამიშვილი... მაგრამ  
 მისი ხსოვნა ცოცხალია და მუდამ იცოცხლებს ჩვენს  
 შორის. დეე, ამ დიდი კაცის სიკვდილი იყოს კავკა-  
 სიელებისთვის სიმბოლო ერთობისა, დეე, საქმე,  
 რომელსაც ის თავგამოდებით ემსახურებოდა, იყოს  
 ჩვენთვის კანდელი, რომელიც გვიცავდეს ხიფათისა-  
 გან. გულითადი მეგობრის საფლავის წინაშე მთიელ-  
 თა სახალხო პარტია ფიცსა სდებს, რომ არასოდეს  
 უღალატებს მის ანდერძს.

მ. ჩ ო კ ა ვ ც ი.

წილად მხედა მწარე დავლება თურქესტანის  
 ეროვნულ გაერთიანების სახელით სიტყვა ვსთქვა ნ.  
 რამიშვილის საფლავზე. თურქესტანელების განსა-  
 კუთრებულად ვაფასებდით ნოეს. იგი გვეგუებოდა  
 ჩვენ არა როგორც ქართველი მხოლოდ, არამედ რო-  
 გორც კავკასიელი საერთოდ. აქ პარიზში თუ სტამ-  
 ბოლში ჩვენს შეხვედრებს ყოველთვის მეგობრული  
 ხასიათი ჰქონდა. ვსაუბრობდით ჩვენი საერთო საქ-  
 მის, განმათავისუფლებელი ბრძოლის შესახებ და ამ  
 საუბრებისგან მე დამრჩა დაუვიწყარი კვალი გულ-  
 წრფელობის და რწმენის. დრო არაა ახლად გაჭრილ  
 სამარესთან ვილაპარაკო ჩემ პირად მოგონებებზე,  
 რომლებიც დაკავშირებულია ჩემი ორი წლის ყოფ-  
 ნასთან საქართველოში, სადაც ყველაზე ხშირად გან-  
 სვენებულს ვხვდებოდი. ახლა მინდა მხოლოდ გან-  
 საკუთრებით აღვნიშნო ერთი გარემოება: ჩვენ თურ-  
 ქესტანელებს ნოე ყოველთვის მოგვიწოდებდა გეგ-  
 მიანი ორგანიზაციული მუშაობისათვის, გვაძლევდა  
 გონივრულ რჩევას და ნამეტურ ვაფრთხილებდა—  
 არ გაგიტაცოთ უსარგებლო და უგუნურმა «ეროვ-  
 ნულმა მტრობამო». «ეროვნული ბრძოლა, თუ არ  
 ემყარება საკუთარ ეროვნულ მე-ს და ეროვნულ უფ-  
 ლებათა ღრმა და მტკიცე შეცნობას, არასოდეს მო-  
 იტანს სასურველ ნაყოფს». გვეუბნებოდა იგი: «ჩვენ  
 მოვედით დამოუკიდებელ საქართველოსთან არა ვი-  
 სიმე სიძულვილით. არამედ იმის შეგნებით, რომ ქა-  
 რთველ ხალხს აქვს სრული უფლება დამოუკიდებე-  
 ლი სახელმწიფოებრივი არსებობისა». ნოე გვეუბ-  
 ნებოდა ამას არა იმიტომ, რომ თითქოს თურქესტა-  
 ნელებში იყოს «მტრობის» მიმდინარეობა, არამედ  
 იმიტომ, რომ იცოდა თურქესტანის ძალთა პოლი-  
 ტიკური ორგანიზაციის სისუსტე და ეშინოდა, რომ  
 ჩვენი ახალგაზდები არ გაყოლოდენ «იაფი გმირის»  
 იოლსა და მოაღიპულს გზას. ნ. რამიშვილის სიტყვე-  
 ბი დიდდ შთაბეჭდილებას ახდენდენ თურქესტანელ  
 მსმენელებზე. და დღეს ჩვენ დავტირით მას ისე, რო-  
 გორც ქართველები, როგორც დასტირიან კავკასიე-  
 ლი თანამშრომლები და მეგობრები, ვინაიდან ის  
 იყო ერთგული მეგობარი და ამხანაგი ჩვენი, ისე  
 როგორც ქართველების და კავკასიელების. იგი იყო  
 ჩვენთვის მაგალითი მეტრძოლისა ძალადობის წინა-  
 ამდეგ ერთა უფლების და თანასწორობის გასამარ-  
 ჯვებლად. დეე დაუვიწყარი იყოს მისი ხსოვნა ჩვენს  
 გულში!

გ ი ო რ გ ი გ ვ ა ს ა ვ ც ი:

ძვირფასო ნოე.

შენ ბრძოლისთვის იყავ შობილი და ბრძოლის  
 ველზე დაღიე სული. შენ იბრძოდი და ამ შეურიგე-  
 ბელ ბრძოლაში გზას ვინათებდა მხოლოდ ერთი ვა-  
 რსკვლავი: თავისუფლება შენი ქვეყნის.

შენ ჩაები ამ დიდ ბრძოლაში ჯერ კიდევ იმ ხა-  
 ნებში, როცა საქართველოს სახე და სახელი თითქმის  
 წაშლილი იყო. საქართველოს გარს ერტყა რუსეთის  
 იმპერიალიზმის გარდაუვლილი ზღუდე. შენ ეს დაი-  
 ნანე, შენ იგრძენი მთელი ერის ჭირ-ვარამი და დარ-

წმუნდი, რომ არ არის ხსნა და შველა, სანამ ეს ზღუდე არ იქნება გახეთქილი და დანგრეული. შენ დარწმუნდი, რომ ამ ზღუდის აფეთქება შეიძლება მხოლოდ შიგნიდან, მხოლოდ იმ სოციალური კლასის ამოძრავებით, რომელიც იყო ყველაზე უფრო დაზარალებული და დამონებული. მასთან ერთად იერიშის მიტანა ამ უხეში ძალის წინააღმდეგ იქნებოდა შერყევა იმპერიალიზმის და, მაშასადამე, გახეთქაც იმ ზღუდისა, რომელიც ერთჯერ საქართველოს... აგრეც მოხდა. რუსეთი დანგრავდა, განთავისუფლდა საქართველო და გამოაცხადა თავისი დამოუკიდებლობა.

ძვირფასო ნოე, ამ დიად ბრძოლის დროს შენ იყავი პირველ რიგში და მტკიცეთ გეჭირა ხელში დროშა საქართველოს სუვერენობისა.

დრო გამოიცვალა, გამოიცვალა მეთოდიც ბრძოლისა. უწინ თუ საჭირო იყო ამოძრავება კლასობრივი ძალების, ესლა აშკარა გახდა ამოძრავება ერთგნული ერთეულების. აი ამ ღია საფლავის წინაშე გაისმა ხმა. ის ხმა იყო უკრაინის, აზერბაიჯანის, მთისა, სომხეთის, თურქესტანის... ან საბუთი იმ დიადი მოძრაობის, რომლის სულის ჩამდგმელი იყავი შენ. შენი შრომით და თავგამოდებით შეიქმნა ერთი ფრთხილი დამონებული ერებისა, ფრთხილი მიმართული იმავე იმპერიალიზმის დასამხობად... გამოიცვალა მეთოდი ბრძოლისა, მაგრამ კი არა ვარსკვლავი, რომელიც უკვდავია, უცვლელი და მარადიული: ვარსკვლავი საქართველოს თავისუფლებისა.

თავისუფლება თუ მონობა, ცივილიზაცია თუ ველურობა?—აი ის საკითხი, რომელიც სდგას კაცობრიობის წინაშე. ამ დიად იდეურ ბრძოლაში აიჭრა შენი სახე, ძვირფასო მამულეშვილო, და ამ სახეს არასოდეს არ დაივიწყებს მადლობელი საქართველო.

გ. ნ ა გ ა შ ი ძ ე.

რაინდი, თავგანწირულება-პატრიოტიზმის სიმბოლოდ ცნობილ პოლონეთიდან ჩამოვედი დღეს აქ, რომ საქართველოს სოციალისტ-ფედერალისტთა პარტიის სახელით გამოვეთხოვ. უკანასკნელი სიტყვა გითხრა, გადმოგცე ჩვენი—ყველა ქართველების სიმწარე და ნაღველი, ჩვენი აღშფოთება!..

ძვირფასო ნოე! ნუ თუ ამისთვის იღწვოდით, ნუ თუ ამისთვის შეალიე მთელი შენი ნიჭი და ენერჯია ქართველ ხალხს, რომ ქართველი დედის ძეძუთი გამოზნდილს ვიღაც მახინჯ-ვიგინდარას გაეგმირა მუხანათურად შენი გული?! ნუ თუ ამისთვის მედგრად იდექი სამშობლოს სადარაჯოზე და დაურიდებლად ებრძოდით შენი ქვეყნის მტარვალებს?..

როს სამუდამოდ მიგაბარებთ უდროოდ გათხრილ ცივ სამარეს, შენი სული მოსწყდება აქაურობას, გარდალაზავს დროს და სივრცეს და ესტუმრება, თავს შემოფეხვება ჩვენს საყვარელ მშობლიურ მხარეს.

შენ ეწვევი, მოწიწებით შეალებ კარებს საქართველოს თავდადებულ შვილთა საჯანგში, შენ იხილავ იქ კოტე აფხაზის, ვარდენ წულუკიძის, გენერალ ანდრონიკაშვილის დიად აჩრდილებს; შენ ვადაეხვევი, გულში ჩაიკრავ ჩვენი ქვეყნის ბრწყინვალე რაინდებს ბენია ჩხიკვიშვილს, ნოე ხომერიკს, ვალიკო ჯულელს,

გოგიტა ფაღვას; შენ დასტკებები გია აბაშიძის, გედეონ სვანიძის, გიგა ჩიქოვანის სიწარმტაცე-სიმშვენიერით.

შენს წინ, ვითარცა საქართველოს მთავრობის წევრის წინაშე, მწყობრი გუნდებით, ჩაივლიან ტახტსმელას და კოჯრის გმირები, ქართველი ერის ისტორიის საუკეთესო ფურცლის თვისი სისხლით დამწვერლენი.

შენ იხილავ იქ მრავალ და მრავალ ქართველთ, სამშობლოსთვის თავგანწირულთ და თავდადებულთ. და ეტყვი მათ:

საქართველოს უცხოეთში გადატყორცნილ მთავრობის მინისტრმა მე პირნათლად მოვიხადე ჩემი ვალი... და პარიზის ქუჩაზე თვისი სისხლის დანთხევით. მე ღირსი გავხდი თქვენთან ერთად ყოფნისა და ჩვენი სამშობლოს წმინდა ხსოვნისა!..

ასე ეტყვი, ასე მიმართავ საქართველოსთვის განწირულ გმირთა აჩრდილებს და გაქვს ამის სრული უფლება...

რას ვიტყვით ჩვენ—ემიგრანტები?

ქართველო ემიგრანტებო! დროა გონს მოვიდეთ, თვალები გავახილოთ და გავიგოთ ჩვენი ერის გულისტკივილი. ჩვენ ხომ არა ვართ მის მიერ გაიციხულნი, გამორიყულნი? ჩვენ ხომ მისი მებრძოლნი შვილნი ვართ, მისთვის ყოველ წუთს სასიკვდილოდ განმზადებულნი, თავგანწირულნი! დეე, ჩვენი ქვეყნის მტრის მოსყიდულ ვიგინდარა-არაშნადების ტყვეობით დაიცხრილოს, გაიგმიროს ჩვენი სხეული, მაგრამ ამაყი, უტენი და უძლიერევი იყვენ ჩვენი სული, ერთი მიზნისკენ—საქართველოს დამოუკიდებლობა-თავისუფლებისკენ მიმართულ-აზვირთებული!

დროა დავივიწყოთ პირადი, კერძო, ჯგუფური მტრობა-უთანხმოება და შემოგვკრბეთ, გავერთიანდეთ ყველანი ერთგნული მთავრობის გარშემო საქართველოს დამოუკიდებლობის ემბლემად ქცეულ ნოე ქორდანიას წინამძღოლობით!

ეს არის ჩვენი ისტორიული მოვალეობა, ამას გვავალდებს, ამისკენ ხმამაღლა მოგვიწოდებს ვერაგი მტრის ტყვეთი სამუდამოდ გაცივებული ნეშტი...

გ. ი მ ნ ა ძ ე.


ძვირფასო ნოე! ნება მიბოძე პოლონეთის ქართველი კომიტეტის და კოლონიის სახელით ორიოდე წრფელის სიტყვით გამოგემშვიდობო.

უბადლო ხელმძღვანელი იყავ მებრძოლ საქართველოსი. ჩვენი ტანჯული სამშობლოს ჯალათებმა ეს ყველაზე უკეთ იცოდენ. საშიშროებას ხედავდენ შენში და დიდი ხნის გადაწყვეტილება კიდევ მოიყვანეს სისრულეში...

მოვა დრო და ღირსეულათ იქნება დაფასებული ის ფანატკიური, უდრეკი და მტკიცე რწმენით აღსავსე ბრძოლა, რომელსაც შენ ეწეოდი საქართველოს განთავისუფლებისათვის. შენთვის არ არსებობდა სხვა რამ პირადი ბედნიერება გარეშე ქართველი ხალხის თავისუფლება-ბედნიერებისა.

ასეკტი პირად ცხოვრებაში,—მშფოთარე და მოუსვენარი მებრძოლი ხელმძღვანელი, შენი ფუფუნე-





ნ. მ. მ. რა მ ი შ ვ ი ლ ი ს კ უ ზ ო

ბერძნების გვლესიის კარგებთან.

ბის საგანი იყო მარად ფიქრი, ოცნება და მოქმედება მხოლოდ საქართველოზე, მხოლოდ საქართველოსთვის.

დავაფასეთ ეს? ვერა! ალბათ, როგორც გვჩვენებია ქართველებს, აწი დავაფასებთ...

ყველაზე უკეთ საქართველოს მტერმა დაგაფასა და ხედავდა რა შენში სასტიკს და დაუნდობელ მოწინააღმდეგეს, მუხანათურათ ბოლო მოგიღო.

«ნურავინ ფიქრობს მოჰკლას სული სალტის მთქერით»-ო, ამბობს საქართველოს მგოსანი.

უბადრუქნი! სალტეს უჭერენ საქართველოს სულს. მარა მას ვერ მოჰკლავენ—ვერ მოსპობენ. ამის თავდებია საქართველოს ათასწლოვანი ისტორია.

ჯალათნი! ალბათ სტკებებიან შენი სხეულის მოკვლით. ავიწყდებათ, რომ ეს სიხარული წუთიერია. შენი სული, საქართველოს სულის სიმტკიცის განხორციელება. ხომ მარადიულია... მას ვერ მოჰკლავენ. და ის ერთ წუთსაც არ გაჩერდებოდა აქ...

ის დღეს თავს დასტრიალებს მებრძოლ საქართველოს, ამხნევებს მას. უხმობს ბრძოლისაკენ—გამარჯვებისაკენ. და არ მოისვენებს, ვიდრე არ იხილავს საქართველოს ბრწყინვალეობას, მის მკვდრეთით აღდგომას.

ძრწოდენ ქვემძრომნი! ეს დროც უორს არ არის... მანამ კი უცხა მხარის ცივი სამარე მიგიღებს და შეუნახავს შენს სვეტაჲ ნემსს თავისუფალ საქართველოს...

მშვიდობით, ძვირფასო ნოე!

ვ. ი ნ წ ვ ი რ ვ გ ლ ი .

ალარ გვეყვს ბელადი! ვინ იცის კიდევ რამდენი დრო დავგვირდება, რომ ეს უღმობელი ჭეშმარიტება შევიგნოთ და დავიჯეროთ. ჩვენი ნოე ასე უმოძრაოთ, გულზე ხელდაკრფილი?... არა, ძვირფასო მასწავლებელო, ეს ჩვენ გულს არ ეკარება. შენი ასე მუხანათური სიკვდილით მტერმა ჩვენი წმიდა საქმის დასამარება მოინდომა, მაგრამ ჩვენ ვეტყვიით მას: ის ხალხი, რომელიც ნოეების სკოლაში აღმოიზარდა, ასე ადვილათ როდი იღებს ხელს დაწყებულ ბული საქმის გაგრძელებაზე. ბრმა ტყვიამ მოგვტაცა შენი სხეული. მაგრამ შენი მაგალითით ბრძოლაში გააკაქებული ახალგაზდობა შენი წმიდა ცხედარის წინაშე ფიცსა ვსდებთ, ფიცს გაუტუნელს, ლომისებური სიძლიერით გავამაგრებთ შენს მიერ გაუქდილ რიგებს. შენა ისე, მოღალატურათ მოწყვეტა შენი ერისა და საყვარელი პარტიისათვის ჩვენში ერთხელ კიდევ განამტკიცებს იმ რწმენას, რომ რომ მტრის დღეები დათვლილია და ჩვენი ვალია სანთელივით დავდნეთ ერის წმინდა საკუთხოველზე. მტერი რა მტერია, ოღეს ქართველ ერს შეუპოვარი ნოეები გაუზრდია, შენი სახელი ბრძოლისაკენ მოუწოდებს შენი სიყვარული ახალგაზდების რიგებს... მაგრამ უკანასკნელად გვედრებით, შეუდარებელო მასწავლებელო. ერთხელ კიდევ გვასწავლე, როგორ შეიძლება, რომ შენს ასე ტრადიკულად დაკარგვას შეუტიგდეთ?... რა უნდა ვუთხრათ იმ

ერს, რომელსაც შენი სახელი, შარავანდდით მოსილი, ღვთებრივ დიდებამდი აუყვანია? არა, ჩვენ თავის მართლებაც არ შევიძლია და სწორეთ ამიტომ არ ვიცი, ვინ უფრო საპიროებს ნუგეშს და გამხნევებას, ჩვენ თუ შენი ძვირფასი ოჯახი, რომელსაც ყოველგვარი სიხარული სამუდამით გამოეცალა? საფრანგეთში მყოფი სოც. დემოკრატიული ახალგაზდობა გულამოსკენილი გემშვიდობებდა, ძვირფასო მასწავლებელო!

ის იარაღს არ დაჰყრის მანამ, სანამ შენს სათაყვანებელ ცხედარს შენს საყვარელ ერს არ ჩააბარებს.

აწი მშვიდობით, დაუფიწყარო ბელადო; იძინე წყნარად, იძინე ტკბილათ სანამ მადლიერი სამშობლოს თბილი მიწა მიგიბარებდეს... მშვიდობით...

ვ ლ ა ხ ა მ გ ე ლ ა ძ ე

საქართველოში მყოფ მებრძოლთა და რუსეთის ცივ საპრობილეში გამომწყვდეულ ჩვენი ერის თავისუფლებისთვის წამებულთა სახელით მომაქვს უღრმესი მწუხარება ერის საგუშავგო მებრძოლის დაღუპვისა გამო. მე არ მოვსულვარ აქ სატიროლად და საგოდებლათ! მე მოვედი აქ, უთხრა ჩვენ წინ დამუნჯებულ, გულზე ხელდაკრფილ საქართველოს მინისტრს, ერისთვის გულგანგმირულ ნოე რამიშვილს, რომ მტერი მოსტყუვდა, როცა ფიქრობდა ამ ენერგიულ ადამიანის გულის გაგმირვით საქართველოს წახდენას.

როცა საქართველოს მტერი შემოესია, ჩვენ ყველანი ერთად ვიყავით, თბილისის გარშემო ერთად ვიდექით... მტრის მიერ დაღუპულ მამულიშვილებს დიდებითა და გლოვით მშობელ მიწას ვაბარებდით. მტერმა ამოსწყვიტა რჩეულნი მამულიშვილნი, მარა ქართველი ერის შვილები რიგში დგებოდენ, სამშობლოს დაცვაში ერთიმეორეს ეცილებოდენ... დღეს მტერმა იერიში აქ მოიტანა, საქართველოს მთავრობას უმტკიცესი და უძლიერესი მებრძოლი მოსტაცა! მაგრამ მტერი მიზანს ვერ მიაღწევს. აქ ცარიელი ადგილი არ დარჩება! მოკლეულის ალაგს მეორე იქერს—ბრძოლა გრძელდება!

ჩვენ აქ მტრის მიერ მუხანათურად მოკლულ მებრძოლს არ ვტირით, მის სიმამაცეზე, საქმეებზე არ ვლაპარაკობთ! ეს სხვა დროისათვის და სხვა ალაგას იქნება, აქ მხოლოდ მტერს ვეუბნებით: თქვენ ჩვენი სისხლი გწყურიათ? აჰა ეს სისხლი. თქვენ ჩვენი გული გინდათ? აი ჩვენი გული. თქვენ შეაჩერეთ ამ მამულიშვილის გულის, მისი მაჯის ცემა, ისე, როგორც მრავალი ჩვენი სასახლო მამულიშვილების. მარა მათი სულები ერთან არიან, მათი დიადი საქმენი ბრძოლას განაგრძობენ, სავალ ზნას გვინათებენ... თქვენ მიერ მოკლულ ქართველ მინისტრის ალაგას ჩვენ ვდგებით! ასე იყო ძველათ. ასეა ახლაც, აქ ახალი არაფერია, ქართველის ჩვეულება გქმლდება...

ქართველი ერის მთავრობავ, მისო სახელგანო, ჭადარა ერის ბელადო ნოე ყორდანიავ! შენ ჩვენი ერის გამოდგებვას ამომავალ მხესავით ამოყვევი! მხესავით ჩვენი ერის ცნოვრებას ათბობ და აცხოვე-



ლებ... ამ ახალ გზაზე ერის ჭირსა და ღონის განიცდი. ქართველი ერის სულის ჭურჭელი გახდი, ჩვენი ერის შესანიშნავი თვისებები შენში განსახიერდა... არ შედრკე, დღეს ქართველი ერის გამოცდაა, ის მიმე ტვირთი, ის ჯვარი, რომელიც განგებამ შენ გარგუნა. ქართველი ერის წამების ჯვარია, შენ ის უნდა აიტანო გოლგოთაზე, ერს ვითარცა მოსე ეგვიპტიდან გამოუძღვე, ქართველა ერის რთულსა და ეკლიან გზაზე ღირსეულათ ვლით... შენი პირადი ცხოვრება, უბედურება და წამით ბედნიერება წააგავს ქართველი ერის ცხოვრებას და ის კვლავ გაგვიღიმებს, დიდებით შეიმოსება...

მამ მედგრათ წინ! მხარში ამომჯდარი ვაქცავით ყავარჯენი მტერმა ხელითან გამოგაცალა, მარა აპა ქართველები, რომელნიც გარს შემოგაკრებიან, აარჩიე, გვერდში ამოიყენე, ბრძოლა დიადი, სასახლო განაგრძე, ჩვენი საყვარელი სასოება თფილისისაკენ გზა გვაჩვენე, შენი სიბრძნით სამშობლოში მიგიყვანე... ეს არი ურყევი ანდერძი, ანდერძი წამებული მამულიშვილებისა...

ქართველების სახელით მე ერთს ვითხოვ, ქართველი ერის სახელით ერთ ბრძანებას ხმა მალა ვაღაღებ: რა პარტიისა დი მიმართულების ბრძანებოდეთ, სხვადასხვა რწმენასა და იდეალს ისახავდეთ პირადი ღირსებით, თუ შეგნებულ-შეუგნებელი იყოთ, ცხოვრებაში ურთიერთ დამოკიდებულება კარგე თუ ცუდი გქონდეთ,—დღეს ერთად უნდა იდგეთ მტრის წინაშე... ყველა პოლიტიკური პარტია, ჯგუფი, პიროვნება ერთად დარაზმული გვერდში უნდა ედგეთ ხალხის მიერ არჩეულ მთავრობას... ყოველი პირადული, პარტიული უნდა დავივიწყოთ, ავმალდეთ სახელმწიფოებრივ მოღვაწეობაში. გავხდეთ ღირსეული სახელმწიფოს პოლიტიკური მოღვაწენი.

კავკასიის ერები დღეს ერთდებიან, ის რაც ვერ შესძლეს წარსულში მიფეებმა, ის შეძლო ცხოვრებაში არარატ-მყინვარ-იალბუზის შვილები ხელისხე გადაქდობილნი ერთად ბრძოლის ველზე დგანან. კავკასიის ერების ძმობა-ერთობის საძირკველი ისვენება. დიადი ხანა კასპიისა და შავი ზღვის შუა მობინადრე ერების მყუდრო ცხოვრების დასაწყისში შევდივართ... ფრთხილათ და ფხიზლათ კავკასიის ერების პოლიტიკური მოღვაწენო, ჯგუფებო და პარტიებო! პარტიებიდან სახელმწიფოსაკენი აი ჩვენი დროის ღონეუნიკი...

და შენ ქართველო დედავ, მტირალე და სახელოვანი მებრძოლის დამკარგავო მარო! ნუ გოდებ და მოსთქვამ! დღეს ქართველ ხალხს, ქართველ დედებს სატირლათ არ სცალიან...

ქართველებო! დიადი დრო მოახლოვებულია... შევეკრათ რიგები...

**პ. გვარჯილაძე**

ძვირფასო ნოე! ფრიად მძიმე დავალება მაქვს დღეს დაკისრებული, ჩვენი პარტიის სახელით უნდა ვითხრა უკანასკნელი, გამოსათხოვარი სიტყვა.

საქართველოს სოციალდემოკრატიას თავს დაატყდა დიდი უბედურება. ბოროტმა ხელმა ბოროტი

მტრის წაქეზებით და დავალებით მას შენი თავი ხელიდან გამოაცალა.

ჩვენი პარტია შენში კარგავს მის უდიდეს ბურჯს და მესაიდუმლეს. განუსაზღვრელია მწუხარება შენი ამხანაგების აქ, მაგრამ კიდევ უფრო დიდია შენი მეგობრების და ამხანაგების ტანჯვა და ტკივილები იქ, საქართველოში.

ამ ათი წლის განმავლობაში ჩვენს პარტიას ჩვენი ქვეყნის განმათავისუფლებელ სამკვდრო-სასიცოხლო ბრძოლაში ვინ მოსთვლის, თუ რამდენი მსხვერპლი გაუღია, მაგრამ მიუხედავად ყოველ-გვარ მსხვერპლისა ის ბრძოლას განაგრძობს და ამ ბრძოლის ხელმძღვანელობაში ის სავსებით ენდობოდა შენს ორგანიზატორულ ნიჭს, შენს თავდადებას, შენს ენერგიას, შენს მუშაობის უნარს, ფოლადისებურ სიმკარეს და მას შენი დიდი იმედი ქონდა. ვაი, რომ ეს იმედი მას არ დაეუსრულდა და შენი ბედი სულ სხვანაირად დატრიალდა.

ჩვენი პარტიის ტანჯვა და ტკივილები საქართველოში კიდევ მით არის აუწერელი და აუტანელი, რომ მას დღეს არ აქვს საშუალება მასთან ახლო ყავდეს და ცხარე ცრემლებით დაიტიროს ის, ვინც 30 წლის განმავლობაში იყო მისი მესაიდუმლე და ვინც მას ასე თავგამოდებით ემსახურებოდა.

შენ უდიდესი როლი ითამაშე იმაში, რომ ჩვენი პარტია გაიზარდა, ორგანიზაციულად განმტკიცდა, გახდა მასიური, მას გაყვა ჩვენი ერის უმრავლესობა და მით შეიქნა იგი ეროვნულიც. შენ მშვენივრად შესძელი პრაქტიკულ მოღვაწეობაში სოციალისტური და ეროვნული ბრძოლა ერთმანეთისათვის შეგვეკუთებია და შევეთანხმებია. შენ იყავი საუკეთესო სოციალისტი, მაგრამ ამავე დროს უსაზღვრო იყო შენი ნაზი სიყვარული შენი მშობელი ერის და ქვეყნისადმი.

დღეს ერის ბელადს, ნ. ყორდანის აღარა ყავს მისი მთავრობების მუდმივი და უცვლელი მინისტრი. ამიერიდან ნ. ყორდანისა აღარა ყავს მისი მარჯვენა ხელი—მისი ნოე რამიშვილი. ქართველი ერი შენში კარგავს ჯერ ახალგაზდა, სიცოცხლით სავსე და დიდი მომავლის მქონე სახელმწიფო მოღვაწეს.

დიდი იყო შენი პოპულიარობა საქართველოში. ხშირად იქ ლეგენდებიც დადიოდა. ნოე რამიშვილი ჩამოსულია აქ, ხალხს ბრძოლისათვის ამზადებს და მალე მტრისაგან განვთავისუფლებითო. შენ იყავი ჩვენი ერის იმედი. მტერს კი შენი ბრძოლა და არსებობა შიშის ზარს გვრიდა. ამიტომაც იყო, რომ შენსავით მას არავინ სძულდა და ეზარებოდა.

დღეს მტერი იცინის, ხითხითებს, გონია, შენი წაქცევით ჩვენც წავიქცევით. გაზრწილს, გათახსირებულს კი ავიწყდება, რომ ჩვენი ერის და პარტიის მომავალი არ არის დიმოკრატული მხოლოდ ერთი პიროვნებისგან, რაც დიდი და ძლიერი არ უნდა იყოს ეს პიროვნება. ერის თუ პარტიის ბედი ყოველთვის მის ყოველ დღიურ კოლექტიურ შემოქმედებაში იჭედება.

თქმა არ უნდა, ჩვენი პარტიის დანაკლისი დი-

დია, მართალია ისიც, რომ შენი შემცვლელი ჩვენ რიგებში არავინ არის. რჩეულთა შორის შენ მუდამ რჩეული იყავი.

მაგრამ, ვიდრეც რა მუხლებს შენი ცხედრის წინაშე, გაძლევთ სიტყვას, ვდებთ ფიცს, რომ ჩვენი პარტია საერთო ძალებით, კიდევ უფრო მჭკრივი რიგებით, გააგრძელებს შენ მიერ ნაკეთებ საქმეს, გააფორმებით შეებრძოლება მტერს და ბრძოლას თავს არ გააენებებს მანამ, სანამ მას სასიკვდილო ლახვარს არ ჩასცემს.

შენ კი, ჩვენო ძვირფასო ნოე, მუდამ იქნები ჩვენთვის ბრძოლის და თავდადების სიმბოლო.

ს ა მ ძ ი მ რ ე ბ ი

უამრავ სამგლოვიარო დეპუტებს და წერილებს შორის აღვნიშნავთ შემდეგს:

პოლ დეჟერი, საფრანგეთის სენატის თავმჯდომარე, აცხადებს თავის უწრფელეს თანაგრძნობას.

ფერნან ბუისონი, საფრანგეთის დეპუტატთა პალატის თავმჯდომარე, აცხადებს თავის უცხოველეს თანაგრძნობას.

გენერალი ლახონი, საფრანგეთის რესპუბლიკის პრეზიდენტის კარის უფროსი: უცხადებს თანაგრძნობას საელჩოს და «კეთილშობილ ქართველ ერს».

ჟიულ მიშლე, საფრანგეთის რესპუბლიკის პრეზიდენტის კარის სამოქალაქო გენერალური მდივანი.

პიერ დე-ფუკიერ, რესპუბლიკის პრეზიდენტის პროტოკოლის უფროსი.

ლორან ვინაკ, ავიაციის მინისტრი.

ჟერმენ-მარტენ, ფინანსთა მინისტრი.

რენე სიკარ, საგარეო საქმეთა მინისტრისაგან.

ალ. მილიერან, რესპუბლიკის ყოფ. პრეზიდენტი, უცხადებს ქ-ნ რამიშვილს «პატივისცემით თავის ღრმა და მწუხარე თანაგრძნობას».

გენერალი ვიგან, გენერალური შტაბის უფროსი: აცხადებს უღრმეს და გულითადს სამძიმარს. პლ. გენერალი, საფრანგეთის წითელი ჯვრის თავმჯდომარე.

ედ. გრიო, მთავრობის ყოფ. თავმჯდომარე, ლიონის მერი, დეპუტატი.

ფერნ. დავიდ, სენატორი.

პოლ-ბონკური, დეპუტატი.

პ. რენოდელი, დეპუტატი, ქ-ნ მ. რამიშვილს: «დიდატ ვწუხვარ, რომ ვერ დავესწარი ჩემი მეგობრის ნ. რამიშვილის დაკრძალვას. კვლავ გიცხადებთ ჩემს უღრმეს მწუხარებას»...

ედ. სულიე, დეპუტატი.

რდბ. ტუმირ, დეპუტატი.

ჟ. პერნე, დეპუტატი, ყოფ. მინისტრი.

დვზ. ფერი, დეპუტატი, ყოფ. მინისტრი.  
მლ. ჟან კენე, პარიზის მთ. ვიკარი.

მონსენიორი შაპტალ, ეპისკოპოსი, პარიზის არქი-ეპისკოპოსის თანაშემწე, უცხადებს ქ-ნ რამიშვილს «ღრმა თანაგრძნობას და პატივისცემას».

ქ. კავალიე, უმაღლეს განათლების განყოფილების უფროსი.

ლფენ ვილე, საფრანგეთის ინსტიტუტის წევრი.

ბოდეფორუა, სოფელ ლევილის მერი—ქ-ნ რამიშვილს: «ნება მიბოძეთ მოგახსენოთ ჩემი და მთელი მუნიციპალური საბჭოს სახელით უღრმესი სამძიმარი. ჩვენ ცხოვლად განვიცადეთ თქვენი უბედურება, რადგან ღრმა პატივისცემა გვქონდა თქვენი განსვენებული მეუღლის. მიიღეთ, ქ-ნო, ჩემი უღრმესი პატივისცემა და აგრეთვე საბჭოს წრფელი თანაგრძნობა».

ალფ. შლაბოვსკი, პოლონეთის ელჩი საფრანგეთში არგიშევსკი, პოლონეთის ელჩი ლატვიაში.

გ. პატკოვსკი, პოლონეთის საელჩოს მდივანი.

ვიკ. დესვივსკი, პოლონეთის საელჩოს მდივანი.

ვლ. ნოიშან, პოლონეთის საელჩოს მრჩეველი.

ან. მიუნსტეინ, პოლონეთის საელჩოს მრჩეველი.

ფ. ფრანკოვსკი, პოლონეთის საელჩოს მრჩეველი.

ანტონ ვეკლაკვიჩ, კომერციული მრჩეველი.

კინენდ-დე ლფენ, ისპანიის ელჩი.

სოქუკუბი, ჩეხოსლოვაკიის სენატის თავმჯდომარე: ... «სულითა და გულით თქვენთან ვარ, თქვენთან ერთად დავსტირი ამ იშვიათის ხასიათის ადამიანის დაკარგვას, რომელსაც ღრმა პატივს ვსცემდი. როგორც ჩეხოსლოვაკიის სენატის თავმჯდომარე, გიგზავნით წრფელს სალამს და ღრმა თანაგრძნობას».

გრუნბერგერ, ავსტრიის ელჩი.

ზარდნ ფრ. ვილანი, უნგრეთის ელჩი.


გრიკ კოლბან, ნორვეგიის ელჩი.

შუმანს, ლატვიის ელჩი.

პუსტა, ესტონიის ელჩი.

ჟან მარტენ, საქართველოს დამხმარე საერთაშორისო კომიტეტის საპატიო თავმჯდომარე სწერს მთავრობის თავმჯდომარეს: დავკარგეთ საქართველოს თავისუფლების ერთი გმირთავანი, მაგრამ მუიდროთ შევერთდეთ და განვაგრძოთ ბრძოლა.

ალბ. მალმ, საქართ. დამხმარე საერთაშორისო კომიტეტის თავმჯდომარე: «კომიტეტი ქედს იხრის მოწიწებით ამ დიდი პატრიოტის ნეშტის წინაშე, რომელიც დაიღუპა უცხოეთში ისე, რომ ვერ მოესწრა თავის ქვეყნის განთავისუფლებას; და ვამკობთ მის კუბოს ჩვენი თავყვანისცემის და ერთგულობის გვირგვინით».



გელარ მილდ, ენევის უნივ. პროფესორი, საქართ. დამხმარე საერთ. კომიტ. წევრი: უცხადებს მთავრობის თავმჯდომარეს მსურველ საამიძიარს.

ე. ვერნერი, ენევის პროფეს., კომიტეტის ვიცე-პრეზიდენტი.

ედუარდ შაპუჩა, «ეურნალ დე ენევის» დირექტორი, ენევის დეპუტატი, უცხადებს წრფელ თანაგრძობას ქ-ნ რამიშვილს.

კლდინგლ სტოკსი, დიდი ბრიტანეთის ყოფილი უმაღლესი კომისარი კავკასიაში.

კ. ილმინავა, იაპონიის ელჩი საფრანგეთში.

სტ. ახუხუცი, ჩეხოსლოვაკიის ელჩი საფრანგეთში. კაბ-ლე, ჩინეთის ელჩი.

გრიკ კლდბან, ნორვეგიის ელჩი.

კას. ბლუმ, დანიის საელჩოს პირველი მდივანი.

კ. კრუხე, დანიის საელჩოს მდივანი.

რ. ნუმელინ, ფინლანდიის საელჩოს მრჩეველი.

ტომას ლემონტენ, არგენტინის ელჩი.

ფილ. რუა, კანადის ელჩი.

გვატემალას ელჩი.

გერმოდ ბარდნ, სალვადორის ელჩი.

დე ბოგერდ, ლიბერიის ელჩი.

პრეტკლდვიჩი, უკრაინის ეროვნული მთავრობის თავმჯდომარე.

ივანის, ყუბანის მთავრობის თავმჯდომარე.

ინგლისის მუშათა პარტიისაგან, შვეციის ს. დემ. პარტიისაგან, ბელგიის მუშათა პარ., ჩეხოსლოვაკიის ს. დემ. პარტ., რუსეთის ს. დემ. პარ., რუსეთის ს. რევ. პარ., უკრაინის ს. დემ. პარ., სომხეთის დამნაცუტუნის პარტ., აზერბეიჯანის სოც. პარტიისაგან. ლეონ ფარდ, გაზ. პტი პარიზიენიდან».

მაქსიმ სლავინსკი, პრადის უნივერსიტეტის პროფესორი, უკრაინის ყოფილი ელჩი პრადში.

უკრაინელთა საზოგადოება საფრანგეთში, უკრაინის ყოფილ მხედართა კავშირისაგან, «ტრიზუბის» რედაქციისაგან, «ვოლნე კაზახესტვოს» რედაქციისაგან, «დნის» რედაქციისაგან, «პოსლედნიე სლოვა»-ს რედაქციისაგან.

კასტელდნ, ნიკარაგუას რესპუბლიკის რეზიდენტი. ლ. ჰუმბერ, სენატორი, ყოფ. მინისტრი.

ჯადვარ სვიდ ახმედ, ყოფილი თავმჯდომარე ყირიმის მთავრობის.

ლედნიცკი, პოლონეთის ცნობილი პოლიტიკური მოღვაწე.

ს. შამილი, მთიელთა სახელით.

ჰ. ბამატი, მთიელთა ყოფ. მინისტრი.

ბალმონტი, რუსის პოეტი, ვეფხის ტყაოსანის მთარგმნელი: «ყეთილშობილ გმირთა სიკვდილი ვერასოდეს მოკლავს უკვდავ საქართველოს».

მარვიზ დე ბაი, ცნობილი მოგზაური კავკასიაში.

ჰალილ ხასამედოვი, ყოფილი თავმჯდ. ადერბეიჯანის მთავრობისა.

აბდონ-ბუახან, ფრანს-ორიანის საზოგადოებისაგან.

ეფრემ რისლერ, პარიზის სოციალურ მუზეუმის თავმჯდომარე.

ანრი დემონტან, საფრანგეთის ინსტიტუტ. წევრი. ეფრემ სელ, პროფესორი და ეურნალისტი.

ა. დუკასოვი.

მრავალი სხვა პირი, როგორც უცხოელი ისე ქართველი (უცხოეთის ყოველ კუთხიდან და ხარბინიდან), რომელთა სიის დაბეჭდვას უადგილობისაგამო ვერ ვახერხებთ.

### გ ვ ი რ გ ვ ი ნ ე ბ ი

განსვენებულის კუბოს ამკობდა ოცდათხე მეტი გვირგვინი:

საქართველოს ეროვნულ მთავრობის (ჩვენს სასიქადულო წევრს და საამყო თანამშრომელს), საქ. პოლიტიკურ პარტიათა წარმომადგენლობის (მამაც მებრძოლს სამშობლოს თავისუფლებისათვის), საქ. ლეგაციის, საქართველოს დამხმარე საერთაშორისო კომიტეტის, საქართველოს სოციალ დემოკრ. პარტიის, პარიზის ქართველთა საზოგადოების, უკრაინის მთავრობის, აზერბეიჯანის ეროვნულ ცენტრის, კავკასიის მთიელთა, პოლონეთის ქართველთა კომიტეტის, ეროვნულ დემოკრ. პარტიის, საფრანგეთის ქართველ სტუდენტთა კავშირის, სტუდენტთა ეროვნულ გიერთიანების, რუსეთის ს. დ. პარტიის საზღვრგარეთელ დელეგაციის, საქ. სოც. დემ. პარიზის ორგანიზაციის, ბერლინის სოც. დემ, ორგანიზაციის, ოდენკურის ქართველების, ბერლინის ქართველების, თფ. მილიციის, საგანგებო რაზმის წევრების, ლევილის ქართველების, და სხ.

### ი ტ ა ლ ი ა შ ი

იტალიის ყველა გაზეთებმა მოათავსეს ცნობა ნოე რამიშვილის ტრადიკული სიკვდილის შესახებ. ვერაგული მკვლელობა დაწვრილებით იყო აღნიშნული. რომის გაზეთის «Messaggero»-ს ორშაბათის (8 დეკ.) გამოცემა «il Meridione»-ში იყო წერილი ამ სათაურით: «საქართველოს მინისტრის მკვლელობა საფრანგეთში», გაზეთი აღნიშნავდა, რომ «რამიშვილი ჰხელმძღვანელობდა იმ ეროვნულ ბრძოლას, რომელიც მიმართული არის საოკუპაციო საბჭოთა რეჟიმის წინააღმდეგ და მიზნათ საქართველოს განთავისუფლება აქვს დასახული. ნოე რამიშვილი თავისი აქტივობისა გამო მუდამ იმყოფებოდა კომუნისტური ტერორის საფრთხის ქვეშა».

### ვ ა რ შ ა ვ ა შ ი

ვარშავაში გადახდილ იქნა პანაშვიდი უთვალავი ხალხის თანადასწრებით, რომელიც წარმოადგენდა იშვიათ მანიფესტაციას.

### სამგლოვიარო კრება ბერლინში

კვირას, 14 დეკემბერს, ნაშუადღევს 5 საათზე საქართველოს ელჩის და ქართველი კოლონიის მოწვევით გაიმართა ვერაგულად მოკლულ საქართველოს მთავრობის წევრის ნოე რამიშვილის პატივსაცემლად სამგლოვიარო კრება.

კრებას მრავალი ხალხი დაესწრო.—ქარგად მოზრდილი «Landwehr-კაზინო»ს ზალა სადგურ ZOO-სთან (ერთი საუკეთესო ნაწილთაგანია ქალაქ ბერლინის) გარდაცვალებულის პატივსაცემლად მოსულეებით—უცხოელებითა და ქართველებით—სავსე იყო.

კედელს ამშვენებდა საქართველოს დროშა და ღერბი, რომლის ქვევით ცოცხალ ყვავილებით მორთულ გვირგვინში, რომელსაც შავი ფერის ნასკვეები ამწუნებდნენ, ნოე რამიშვილის სურათი გამოიყურებოდა.

კრების პრეზიდენტის მაგიდასთან ელჩის და კოლონიის გამგეობის წევრების გვერდით იჯდნენ: ინტერნაციონალისა და გერმანიის სოც. დემოკრატ. პარტიის წარმომადგენელი არტურ კრისპინი და ბერლინ-ბნანდელბურგის სოც. დემ. ორგანიზაციის თავმჯდომარე ფრანც კიუნსტლერი.

კრება გახსნა საქართველოს ელჩმა და სთხოვა საზოგადოებას ვერაგულად მოკლულის პატივსაცემლად ფეხზე წამოდგარიყვენ.

ებერტის სახელობის ხორუს კვარტეტმა, რომელიც გერმანიის სოც. დემოკ. პარტიის დავალებით იყო მოსული, მშვენებრად შეასრულა შესაფერი სამგლოვიარო სიმღერა.

ამის შემდეგ პირველი სიტყვა ქართულ ენაზე წარმოსთქვა ელჩმა, რომელმაც დაახასიათა ნოე რამიშვილი, როგორც ადამიანი განსაკუთრებული ღირსების, ნიჭიერი პოლიტიკური და სახელმწიფო მოღვაწე, მუდამ იმედიანი, მუდამ ბრძოლის ცეცხლით სავსე, საქართველოს დამოუკიდებლობისათვის მედგარი, შეუდრეკელი მებრძოლი და მქადაგებელი. ტრადიკულად გარდაცვალებულის სახელს დაუფიწყრად შეინახავს ქართველი ხალხი.

ქართველ კოლონიის სახელით ილაპარაკა საზოგადოების თავმჯდომარემ მ. წულუკიძემ. სხვათა შორის მან სთქვა: ნოე რამიშვილი საქართველოს საზოგადოებრივსა და პოლიტიკურ ცხოვრებაში შემოიჭრა; როგორც სახალხო მოძრაობის მესაჭე, მისი პრაქტიკოსი. ორგანიზატორი პირველ ხარისხის, ავტორი გატაცებული, მწერალი-მებრძოლი:—ეს თვისებები, რომელნიც ყოველ ნიჭიერ პოლიტიკოსს ახასიათებენ,—უნდა ახასიათებდნენ—მას ახასიათებდნენ განსაკუთრებით.

და როდესაც ისტორიამ ნოე რამიშვილი, ამ თვისებებით აღჭურვილი, გამოცდის ქვეშ დააყენა, მან ეს ისტორიული გამოცდა ბრწყინვალედ ჩააბარა. ამ ისტორიულ აქტთან—26 მაისის დიდ საქმესთან—ნოე რამიშვილი სამუდამოდ დაკავშირებულია; როგორც საზოგადო, პოლიტიკური,—სახელმწიფო მოღვაწე.

ამის შემდეგ ინტერნაციონალისა და გერმანიის სოც. დემოკ. პარტიის სახელით ილაპარაკა არტურ კრისპინმა. მან მადლობა უთხრა მიცვალებულს იმ დიდ მუშაობისათვის, რომელიც მან მის დაჩაგრულ, დამონებულ ერისა და მშრომელ ხალხის განსათავისუფლებლად გასწია და განსაკუთრებული გრძობით დასძინა: მოვა დრო, განთავისუფლდება საქართველო, გაიმარჯვებს სოციალიზმი და მკვლევლობისა და ძალდატანების ადგილს ძმობა და სიყვარული დაიკავენენო; მაშინ დაფასდებიან განსაკუთრებით და მთლიანად ისეთი ადამიანები, როგორც ანს. ნოე რამიშვილი იყო, რომელსაც უგუნურის, თუ ვერაგის ტყვიამ, ბრძოლით გატაცებულს, ქურდულად გული გაუხვრიტაო.

კვარტეტმა «ბრიუდერ ცურ ზონენ» («ძმებო მხისკენ») დიდი გატაცებით შეასრულა. განსაკუთრებული სულისკვეთება დამყარდა.

სიტყვა ანერბაიჯანის წარმომადგენელმა აიღო, «მარტო თქვენი არ არის ნოე რამიშვილი», სთქვა ბ-ნ ხილალ მუნშიმ, ის ჩვენიც არის, მთელი ამიერკავკასიის. მთელი ანერბაიჯანის ხალხი, მთელი ემიგრაცია განუთრეველად მიმართულებისა დასტირის მას, როგორც დიდ ქართველ სახელმწიფო მოღვაწეს და უჩველ მეგობარსო.

წერაინელების წარმომადგენელმა შეადარა ნოე რამიშვილის სიკვდილი პეტლიურას სიკვდილს და სთქვა: ჩვენს მტრებს ჩვენში არევედარევა და უბედურება უნდათ შემოიტანონო. მაგრამ ვერ მიაღწევნ მიზანს, ჩვენი,—თქვენი თავისუფლების განთიადი მოახლოებულიაო.

შინაარსიანი სიტყვა წარმოსთქვა ბ. ტიტე მარგველაშვილმა, რომელმაც დაახასიათა ნოე რამიშვილი, როგორც დიდი პოლიტიკოსი, დიდი სახელმწიფო კაცი, რომლის მიზანი მხოლოდ საქართველოს დამოუკიდებელი ცხოვრება, მისი ბედნიერება იყოო.

ბ. ილია გოლდმანმა რამოდენიმე მოგონებით ერთხელ კიდევ გააცოცხლა უდროოდ დაკარგული მსმენელთა წინაშე.

თურქესტანის წარმომადგენელმა ბ. ახმედ იბრაჰიმმა წრფელი თანაგრძნობა და მწუხარება გამოსთქვა დიდი ქართველისა და თურქესტანის გულწრფელ მეგობრის დაკარგვის გამო.

ამის შემდეგ სიტყვა აიღო საქართველოს სოც. დემ. პარტიის საზღვარგარეთელ ბიუროს სახელით ბ. ნ. იმნაიშვილმა, რომელიც შეენო ნოე რამიშვილს, როგორც პარტიულ მოღვაწეს,—საქართველოს სოციალისტურ მოძრაობის ერთ საუკეთესო ბელადს, საქართველოს დამოუკიდებლობის მედგარ დამცველს და ბოლოს სთქვა: მეგობრებო, ნოე რამიშვილი რომ ეხლა ჩვენ შორის იყო, ერთად ერთი ძახილი, რომლითაც ის თქვენ, უცხოელ მეგობრებს, მოგმართავდათ, იქნებოდა:—«გვიშველეთ, დაგვეხმარეთ ჩვენს წმინდა საქმეში, დაჩაგრულ საქართველოს განთავისუფლების, მის დამოუკიდებლობისათვის ბრძოლაში»ო.

ხორბ მშვენიერი («ტორდ ფოლესან») შეასრულა,—სიმღერა რომელიც შემდეგი სიტყვებით თავ-



დება: «ეცემა მებრძოლი, მაგრამ დროში მანაც აღ-  
მართულია».

უკანასკნელი სიტყვა წარმოსთქვა ბ. ერიკ ბერ-  
შტეინმა. რომელმაც საქართველოს, მის პოლიტი-  
კურ ცხოვრების კარგ-თ მცოდნემ და საქართველოს  
პარლამენტის წევრმა დაახასიათა ნოე რამიშვილი  
არა თუ რა გორც კარგი ქართველი; არამედ რა-  
გორც კარგი ინტერნაციონალისტი და გერმანულ  
ხალხის მეგობარი, რომელიც მეტად ახლო მონაწი  
ლეობას იღებდა გერმანულ კოლონისტების ბედის  
წარმართვაში საქართველოში. ყველა სიტყვები.  
გარდა ელჩისა, გერმანულად იყო თქმული, თუ წაკი-  
თხული. ამის შემდეგ წაკითხულ იქნა წერილები,  
ორი მხოლოდ მრავალთა შორის: ედუარდ ბერშტე-  
ინის და ახალგაზდათა ინტერნაციონალის თავმჯდო-  
მარის ოლენჰაუერის. «შეუძლებელი შეიქნა დავსწ-  
რებოდი თქვენ სამგლოვიარო კრებას. მიუხედავად  
იმისა რომ ასე ცხოველია ჩემ სულში მოგონება  
თქვენ სამავალითო მებრძოლზე ნოე რამიშვილზე.  
ჩემ სიცოცხლის ბედნიერ მომენტად ვრაცხ მე იმ  
დროს. როდესაც მე ამ შესანიშნავ ადამიანს, ძირი-  
თად კეთილშობილს. გავეცანი. არას დროს დავივი-  
წყებ მე მას. ამ გრძობით გესალმებით თქვენ «მუ-  
რის სალამით თქვენი ედუარდ ბერშტეინი»—სწერს  
81 წლის მოხუცი. წერილმა დიდი შთაბეჭდილება  
დასტოვა.

კრებას გარდა ზემოთ მოხსენებულთა დავსწრენ:  
—ომხებიდან—დავიდიანი და აბელიანი, რუსებიდან  
—დანი და იუდინი. ამის შემდეგ კრება დაიხურა და  
ელჩმა დამსწრეთ, განსაკუთრებით სტუმრებს, მად-  
ლობა გადაუხადა. ნოე რამიშვილის ასეთ ტრადი-  
კულმე სიკვდილმა დიდი აღშფოთება და მწუხარე-  
ბა გამოიწვია ბერლინის ქართველებში მიუხედავად  
მიმართულებისა. რომ ეს ასეა. ამას. სხვათა შორის.  
ამოწმებს ის გულიდან ამონახეთქი წერილი. რომე-  
ლიც კოლონიის გამგეობამ ბ. რ. მკურნალისაგან  
მიიღო.

«სახიზდარ, ბინძურ მკვლელმა მოჰპარა ქართ-  
ველ ერს დიდებული მამულიშვილი», სწერს. სხვათა  
შორის, პატივცემული ავტორი.

ბევრ სხვადასხვა საკითხებში არ ვიყავით ნოე  
რამიშვილის თანახმა, მაგრამ ყოველი მისი მოწინა-  
აღმდეგისათვის ერთი რამ ექვს გარეშე იყო. რომ  
ნოე რამიშვილი იყო დაუღალავი მებრძოლი ერის  
თავისუფლებისათვის, პირანდილი მტერი დღევან-  
დელი ჩვენი ჯალათებისა, დიდებული პატრიოტი,  
ენერგიით სავსე ოპტიმისტი ჩვენი მომავალი გან-  
თიადისა!!! აგრეთვე ექვს გარეშეა, რომ ყოველი  
ქართველი პატრიოტი გლოვობს დღეს ნოეს უდრო-  
ვოდ დაკარგვას»-ო.

მ.—ანი.

ბერლინი 14 დეკ. 1930.

### უღვთოთ დაღუპული მებრძოლი

მოხდა დაუჯერებელი ამბავი:

ბინძურმა, მოსყიდულმა ტყვიამ მოჰკლა ჩვე-  
ნი ქვეყნის ერთგული, მისთვის თავდადებული, მის-  
თვის თავგანწირული, მისი მოამბვე, მისი მოჭირან-  
ხული, მისი ნოე რამიშვილი.

დაიღუპა მებრძოლი მტკიცე ნების, ურყევი  
რწმენის, შეუპოვარი, დაუსბრომელი, მუდამ მო-  
საქმე, მუდამ შემტევი. უკან არ დამხვეი...

დაიღუპა მებრძოლი, რომელსაც არ ჰქონდა  
პირადი «მე», პირადი ცხოვრება; რომელიც სულდ-  
გმულებდა მხოლოდ და მხოლოდ ბრძოლით, მხო-  
ლოდ და მხოლოდ საზოგადო საქმის სამსახურით,  
პირად ურთიერთობაში ის მარტო, განმარტოებუ-  
ლი, ეული იყო. ის მხოლოდ საზოგადო საქმით ეკა-  
ვშირებოდა, უახლოვდებოდა თუ შორდებოდა ნაც-  
ნობ-მეგობრებს...

დაწულ-ნაქსოვი ერთავად მებრძოლ ნერვები-  
საგან—ის მუდამ იქ იყო, სადაც ბრძოლა იყო, სა-  
დაც ბრძოლა შეიძლებოდა.

დღეს ის აღარაა. დღეს ის გულგანგმირულია და  
სამუდამოთ დაღუპებული...

დღეს ქარ-ნიავი სამშობლოს გავრანებულ, გა-  
პარტახებულ მთაველებს მოედება და ზუზუნ-სისი-  
ნით ქვეყანას ამცნობს რომ

—პარზიში. იტალიის მოედანზე. თვითმართვე-  
ლობის შენობის კედლის ძირას გულგანგმირული  
გდია ერთი მისი საუკეთესო შვილთაგანი.

ფურცლებს დაყრილი ხეები ტოტებს ძირს დახ-  
რიან, მწუხრის მანდილი არე-მარეს დაეხურება,  
ქვეყანა გლოვის ძაძებში გაეხვევა.

იქ, შორს, მივარდნილ სოფელში, გაცივებულ  
კერასთან, მდლუარე ცრემლებით, გულამოსკვნილი  
მწარე მოთქმა. ეს დედა უბედური რომ გაიძახის:

— შვილო. შვილოვო...

ქუდი მოხიბადეთ, ნუგეში ეცით საბრალო დედას.

ჰვი, ბიჭო, ნოე! რა შობა გაუთენდა ჩვენი ქვეყ-  
ნის მტრებს! ვინ იფიქრებდა რომ შენი მღელვარე  
ცხოვრება ასე გათავდებოდა. ასე მოჭირებოდა...

უსაზღვრო ტკივილით გაიგებს ქართველი ერი ამ  
შემწარავ ამბავს. მარა ის არ მიეცემა სასოწარკვე-  
თილებას. ის ჩვეულია მსხვერპლის გაღებას. მტერ-  
მა მრავალი მოგვტაცა. ქვეყანა სავსეა წამებულთა  
საფლავებით. ის კიდევ უფრო გამტკიცებული სუ-  
ლით დაირჩნება ახალი ბრძოლისათვის. ახალი  
გამარჯვებისაკენ. და ამ ბრძოლაში, ამ გამარჯვება-  
ში ის დასწნავს იმ წმიდა გვირგვინს, რომელსაც და-  
ადგამს მისი ღირსეული შვილის ღირსეულ საფლავს..  
მოისვენე ძამია.

მაქ შენ ბევრი გყავს ამხანაგები და როცა ისინი  
საყვედურით მოგმართავენ თუ რატომ ასე აჩქარდი:  
ნუ, ნუ ეტყვი რომ შენ მოგაკლეს, რომ შენი მკვლე-  
ლი იყო ქართველი და ისიც ემიგრანტი.

იყავი მშვიდათ და წყნარათ...

ცივია შენი სამარე, მარა თფილია ჩვენი გული,  
შენი სხოვნით აღსავსე და სამუდამოთ დაუფიწყარი...

ვ. ურატაძე.

სარჩები 1930 წლისთვის

I. მეთაურები:

სუფთა მიზანს სუფთა საშუალება. საჭი-  
რბორბოტო საკითხი 49. ვაბანკ 50. სეპა-  
რატიზმი—აი მტერი 51. ევროპა და საბ-  
ჭოები 52. ინტერნაციონალი და ეროვნე-  
ბათა საკითხი 54. სტალინიზმი 55. მო-  
წერი შრომა საბჭოთა კავშირში 56. კა-  
ვკასიის კონფედერაცია 57. რა უყვეს სა-  
ქართველოს. ნეზავისიმი კავკაზ 58. ხმა  
სამშობლოდან 59. ნოე რამიშვილი 60.

II. წერილები.

- ანტონ ე.: Post tenebra lux 50.
- გდმეჩია ი.: გამარჯვებისაკენ 53.
- გვარჯალაძე კ.: ინგლისი და დომინიონები 56-57.
- გუშაგი: ერთად თუ ცალცალკე 53.
- ვარდანი ბ.: ძველი და ახალი 54. ნაფიქრი ხმამა-  
ღლა 59.
- ზენ: საბჭოთა ქვეყანა 49.
- ზურაბიშვილი ი.: ყმაწვილ თაობას 53.
- ზ—ლი ი.: ბოლშევიკები და ეროვნული საკითხი 59.
- ინგილა: საახალწლო 49. დისციპლინისა და ერ-  
თობის დღე 53. სტამბოლის სავანის ავ-  
კარგი 55.
- კაკი: ამ. კავკ. საბჭოთა ფედერაცია 49. მასა-  
რიკი 52. ფიქრები 26 მაისის შესახებ 53.
- კ. გ.: ინდოეთი დამოუკიდებ. თხოვლობა 51.
- კ. კ.: დ. შარაშიძის წიგნის ბიბლიოგრაფია 52.
- ლი—გ.: საქართველო ციფრებით 49-59.
- მ. მ. სახელმწიფოთა კონფედ. და ფედ. სახელ-  
მწიფო 51-52, 56.
- მეგლაძე ვლ.: ქართველი ერის სული 54.
- ნაზაძე ვ.: ევროპა და კავკასია 51-52. კავკასიის გე-  
ოპოლიტიკისათვის 54-8.
- პრ. ინ. 26 მაისი 53.
- ქვრდანი ნ.: 26 მაისი 53.
- ქურული გ.: დიდი 26 მაისის ფესვები 53.
- რამიშვილი ნ.: განთავისუფლების სიმბოლო 53.
- ურატაძე გრ.: უღვთო დაღუპული მებრძოლი 60.
- ფინცხალავა ხ.: ისტორიული ლანდები 53. სამშო-  
ბლოს განთავისუფლებისთვის 56. ჩვენი  
მოწინააღმდეგენი 57. რუსეთის ს. დემ. პ.  
და ჩვენი დამოუკიდებლობა 58. ჩვენი  
დამოუკიდებლობა და სოც. ინტერნა-  
ციონალი 59.
- შარაშიძე დ.: პ. ისტრატის საბჭოების წინამდებ 50.
- შ. დ.: კავკასიის ფრონტი 57.
- შავიშვილი ხ.: საბერძნეთის განთავისუფლების 100  
წლის თავი 52. ჰუმან. ილიუზიები 58.

III. საქართველოს საკითხის გარშემო.

იტალიელების სამხიძარი 50. ჩვენი გულახდი-  
ლობა (პოლ. გაზ.) 50. მიურატის მოხსენება 50.  
მიურატის მოხსენება ენევაში 54. ქენეს მოხ-  
სენება 54. საქართ. დამხმარე ინტერნ. კომიტე-  
ტი 58. საქართველოს საკითხი 59.

IV. კორესპონდენციები.

საზღვაო კონფერენცია 50. საქართველოდან 54.  
ხარბინიდან 54. გერმანიიდან 58.

V. ქართველები უცხოეთში.

ქართველები საფრანგეთში 49, 51, 52, 59.—26  
მაისი პარიზში და ბერლინში 54. ქართული ბი-  
ბლიოთეკა პარიზში 55. აჯანყების მოგონება 57

VI. საქართველოს ამბები.

გაზეთებიდან 49, 51, 52, 53, 55-59. საყურადღე-  
ბო ინტერვიუ საქართველოს შესახებ 58. საქა-  
რთველოში 59.

VII. რუსეთის ამბები. უკრაინელთა შორის.

49, 51, 53-59.

VIII. უცხოეთის მიმოხილვა. 49.

IX. რას სწერენ ბოლშევიკებზე: 50, 51, 56, 57, 59.

X. ნეკროლოგები.

გრ. ხოჭორია 54. ა. ესაკია 54. ქაქუცას (ჩოლო-  
ყაშვილის) ცხოვრება. ეროვნული დაკრძალვა.  
ქ. ყოლოყაშვილის გარდაცვალების გამო 56.  
ანა დრაიხორსტისა 59. ნ. რამიშვილის დაკრ-  
ძალვა. სიტყვები. სამძიმრები 60.

XI. სხვადასხვა.

ერთი ჟორის გამო 49. ბესდოვსკის ნაამბო-  
ბი 49. პრესა 51. შევარდენი 51. ტუბერკ. საზო-  
გადობის ანგარიში 52. აჯანყება ადერბეიჯან-  
ში და სომხეთში 52. მ. წულუკიძის წერილი 53.  
მოწოდება ქართველ ქალებს 53. კ. ჩხეიძე 54.  
საჭირობორბოტო საკითხი 54. დნი და ეროვნუ-  
ლი საკითხი 54. როგორ განვითარდა აჯანყება  
სომხეთში 55. წერილი რედ. მიმართ 55. ჩანგიზ  
ყანი 56. ინგილოს წერილი რედაქციის მი-  
მართ 56. კავკასიის აჯანყება 57. ტრისტან და  
იზოლდა 57. საბიბლიოგრაფიო შენიშვნა 57.  
შარლატნები 58.

გ ა ზ ე თ ი ს ფ ა ზ ი :

- ერთი წლით 20 ფრანკი.
- ნახევარი წლით 10 ფრანკი.
- ერთი ნომერი 2 ფრანკი.

«დამ. საქ.» ვანტორა

სთოვს ხელის მომწერლებს გამოგზავნონ  
მათზე დარჩენილი ხვედრი ფული.

დასაბეჭდი წერილები, ფული და სხვა უნდა  
გამოიგზავნოს შემდეგი მისამართით:

M-r O U R A T A D Z E

10. rue Jules-Ferry. Leuville-s-Orge (S.-et-O.)  
France